

宋

會

要

與職官重

金戶部度支

宋會要 金部

兩朝國史志金部判司事一人以無職事朝官充凡庫  
藏出納之節金寶財貨之用皆歸於三司而權衡度量  
之制主於太府寺本司無所掌今史二人元豐官制行

郎中員外郎始實行本司事

神宗正史職官志金部

凡造升斛尺秤皆以法頒其禁令若事應諮決擬書者視度支餘曹亦如之分案七設吏七十有二哲宗職官

志同

哲宗元祐三年四月八日戶部言陝西沿邊五

年之蓄計緡錢九百餘萬請注籍以備鈎考從之紹

興元年七月二十七日詔戶部改帑藏庫案依舊為外

藏兩案外藏案作第一等內藏案作第二等徽宗元

符三年五月二十三日即位未改元金部員外郎都貺

狀準敕令貺專切交領結絕鹽事乞於內外官司移文

取會申請之類體大者同長貳行遣仍乞以尚書戶部

為名就使金部印字從之大觀元年八月三日試戶

尚書徐處仁劄子奏契勘諸路上供錢帛糧斛等萬數  
浩澣內錢帛已依崇寧上供錢物法置簿拘管鈎銷每  
歲易簿若有欠未起錢物仍在舊簿難以檢察理合  
別籍騰出專一拘催今剋刷到金倉部有諸路積欠上  
供錢物共三百餘萬貫斤足糧斛一百餘萬石雖有案  
牘緣散在諸案未有拘籍深慮經久失陷今欲乞逐部  
專置拘催少欠簿各一面將外路新舊拖欠上供錢帛  
糧斛逐一抄轉候起發到京納訖鈎銷仍三年一易舊  
欠騰入新簿其舊簿委郎官點檢訖並立號架閣所責  
有以關防從之 政和元年十一月二十六日戶部侍  
郎胡師文奏昨准聖訓今經畫戶部財用今先次措置

到下項東南七路收納茶稅錢約一十五萬貫契勘東南七路所收茶稅錢久來並依無額上供應副戶部支費昨熙寧年間歲收不下五六十萬貫大觀年每歲約收四十餘萬貫比熙寧年約少收一二十萬貫蓋是官司因循失於檢察拘收致虧省計臣已措置申請到今年十二月十六日敕差本部郎官李文仲點檢驅磨外每歲約增收錢一十五萬貫添助戶部經費發運司歲發賣礬錢三萬三千一百貫契勘東南逐路歲用礬貨熙豐紹聖後來係屬發運司總領九路官般出賣自大觀二年罷官賣許客販後來至今僅及四年已虧戶部上供額合得賣礬錢八萬餘貫臣已措置申朝廷乞依

熙豐舊法官般出賣罷客販將合發賣鑒錢依紹聖敕  
條令發運司管認舊額每歲起發錢二萬三千一百貫  
上京添助戶部經費從之 二年五月六日參照官制  
格目所奏金部掌財貨出納之政令本部立錢帛案主  
行催發年額錢帛折斛封樁錢物之事元豐五年十一  
月七日朝旨選差人吏專一主行置簿拘管諸路無額  
上供錢物關所屬案分免便舉催至元祐元年隳秦官  
制事務改錢帛案為催納案雖崇寧二年已行改正緣  
大觀二年後來節次承朝旨併錢帛案入都局轄司分  
為八窠與官制格目不同今來合稟自聖裁詔依元豐  
官制格等 宣和元年十月五日戶部尚書唐格等奏

永都省劄子總領左藏軍所劄子奏勘會左藏庫每歲  
合納諸路上供綱運應副支用自來兩庫止據納到數  
目收附其未到錢物隔年拖欠本所尋驅刷去年分上  
供合起錢物尚有未到一百九十三萬九百二十三貫  
匹兩有奇切慮內有條格該載并逐庫聲說未盡名色  
及戶部一時改科折變物數多寡不同難以幾察的確  
深恐經久失陷今攢類成冊伏望下戶部參照確實行  
下仍乞責限催促起發前來送納奉御筆神考董正治  
官三司之職盡歸戶部比年任非其人偷惰廢弛自曠  
厥官凡財用之在諸路者勾攷會計乘其出入漫不省  
察坐致匱乏則但知仰給朝廷豈不深負先帝設官分

職之重比覽總領左藏庫所奏一歲之間財用虧陷與  
失於拘催者動以萬計御前覆行取索考覈大約除已  
到及供具不同外虧失違滯出納不明者猶無慮一百  
七十九萬有奇求財用之充顧豈可得可依前項處分  
專委唐恪沈積中措置施行二年六月二十一日戶  
部尚書詹度奏今攢簇宣和元年已前諸路拖下未椿  
發錢物總一百五十八萬餘貫足兩段蓋是從來監司  
州郡稽慢遂被積累登帶拖滯不足若只泛行催促別  
無嚴責條限竊恐卒不能椿發了當欲乞將前項積下  
數本部別籍責限專一拘催內宣和元年未椿發錢物  
限至今年冬季終重和元年數至來年夏季終政和六



年七年數至來年終須管盡數椿發數足如違其提刑  
司州郡官吏從本部奏劾依上供法施行與免妨闕從  
之郎官一人分案有六曰左藏掌行庫藏出納金銀錢  
帛絲綿銅鉛錫鐵及頒度量權衡曰右藏掌內藏受納  
寶貨支借拘催及雜物曰錢帛掌催收年額錢帛折斛  
封椿錢物曰確易掌市舶權場禁權及商稅香茶鹽礬  
便錢檢校行戶事曰諸給掌合同取索給俸請給時服  
及雜給事曰知雜吏額主事二人令史七人書令史二  
十一人守當官二十二入貼司四十一人  
高宗建炎  
元年八月十三日同知樞密院事張慙言近被旨專一  
提領措置戶部財用今係冬祀大禮前一年依條合差

官六員分詣江淮等路剋刷催發金帛因便點檢驅磨  
逐路已未起發歲額糧斛等所有江南東西路荆湖南  
北淮南路及自京至真州往來催促綱運依舊制共差  
官四員兩浙福建兩路地里闊遠舊例共差一員今欲  
各專差官一員所有京東路地里至近欲就委京東西  
路提刑司剋刷催促通不過六員從之 十六日詔常  
平司見管山澤坑冶並依舊法撥隸金部 山澤坑冶之  
利舊法在外隸轉運司在京隸金部自崇寧二年舊坑  
新發漕司不應割錢本志令常平司應割始隸右曹至  
是改之 三年四月十三日詔金部郎官一員為額吏  
人減三分之一 同日詔罷太府寺撥隸金部 紹興

五年五月十一日刑部尚書兼權戶部尚書章誼言權  
貨務都茶場自來不屬戶部止差戶部長貳兼行提領  
緣茶鹽職事正是全部所隸自合戶部長貳郎官通行  
簽押更不須別置提領之名其見行人吏且令依舊存  
留其添給亦依舊候金部人吏行遣習熟日各歸本曹  
從之 八年五月二十六日詔三路市舶司香藥物貨  
并諸州軍起到無用贓物等係左藏東西庫收納先經  
編估局編揀定等第色額估價申金部下所屬復估審  
驗了當本部連降估帳行下打套局施行詳見打套局  
門 九年六月二十一日詔三路市舶司香藥物貨并  
諸州軍起到無用贓罰衣物等納訖牒報編估局官吏

將帶合用行牙人前去就庫編抹等第色額訖差南綱  
牙人等同市舶司看估時直價錢供申尚書金部符下  
太府寺請寺丞一員覆估訖往申金部提振郎中廳審  
驗了當申金部施行詳見編估局門

二十九年閏六

月八日詔諸州知通拘收起發無額錢除一歲及五十  
貫以上者與減三季及三千貫以上者與減兩季及二  
千貫以上者與減一季先是止有及五千貫賞典往往  
有不及數者將椿到錢物即行使用臣寮上言故有是

命 孝宗隆興元年八月三日戶部言依指揮條具併  
省吏額金部見管主事二人令史七人書令吏二十一  
人守當官二十九人正貼司二十九人私名七人令減

令史一名書令史四人守當官三人正貼司八人及將  
減罷人籍定以後有關依名次撥填詔依見在人且令  
依舊將來遇闕更不遞補 乾道六年正月十三日戶  
部言左藏西庫每歲供內庫金三百兩銀五萬兩錢一  
十五萬貫不得出春季如違徒二年據西庫申自紹興  
二十八年後來金於正月內全行支供銀分作三箇月  
送納錢每月供納二萬貫竊緣本庫即目見在錢物不  
多所有乾道六年分歲供內藏庫金三百兩銀五萬兩  
錢一十五萬貫欲依年例將金於正月內全行支供銀  
分三箇月送納錢每月供納二萬貫其合用錢候至當  
支月分於本庫經總制折帛錢錢內支破所貴不致闕

誤今後年分並乞依此施行從之 二月五日臣寮言  
比年以來冶鑄不登泉貨稀少權以楮幣而富家豪室  
收藏見銀公私窘匱仰賴聖神臨御地不愛寶銀坑興  
發如松溪縣瑞應場及政和縣赤石松溪一帶近於發  
泄諸路收買管發銀數每歲萬數浩漭左藏南庫儲積  
頗多而西庫收支所餘無幾臣竊謂楮幣可行於無事  
之時而不可行於有事之際或遇方有風塵之警則楮  
幣難行銀價增貴見銀必出以銀代錢無往不可當今  
國家閑暇之時銀價低平宜廣行收買或以度牒折納  
除歲幣及經常大軍券食支用聖節大禮支賜外其餘  
非泛並以楮幣行使令諸路監司隨處收買別立庫賬

安頓以備邊為名積三五年數必大贏緩急支用以代  
楮幣實佐國用之要務也從之 五月四日戶部言依  
指揮條具併省吏額金部見管六十九人今減書令史  
二人守當官三人正貼司四人通以六十人為額照依  
各從下裁減將來見闕日依名次填撥其減下人願依  
條比換名目者聽

### 續會要

淳熙十三年十二月九日詔金部減守當官一人貼司  
二人私名一人 以司農少卿吳燠議減冗食下敕令所  
裁定故有是命 續會要

宋會要

戶部

三司凡二十四案曰兵刑胄鐵商稅茶鹽鹽末鹽設賞  
給錢帛發運百官斛米糧料騎夏稅秋稅東上供修造  
竹木麴衣糧倉咸平四年併夏秋稅兩案為一曰戶稅  
併東西上供曰上供併竹木歸修造倉案歸衣糧大中  
祥符七年別置常平案舊例鹽鐵六案度支十四案分  
押戶部四案乾德五年度支判官侯陟言其不均始令  
三部各分領八案焉其後重定鹽鐵八案判官三員分  
領曰兵刑胄鐵曰商稅茶曰鹽鹽末鹽設度支八案判  
官三員分領曰賞給錢帛曰發運斛<sup>斛</sup>百官曰糧料常平  
騎戶部五案判官三員分領曰兩稅麴曰上供曰修造



衣糧詳司

戶部主受天下土貢之物若正旦朝會立

仗則陳方物於殿庭及旌表門閭雜事以朝官一員主

判度支金部倉部皆無所掌合以朝官一員主判

至道三年五月

真宗即位未改元

詔應進土產州軍今

後只於戶部通下更不於奏院送納仍以係省錢收市

不得用庫頭子錢犯者勘罪定斷

真宗咸平四年二

月詔京百司人吏並不得放免下戶差徭科配戶部舊

有蠲符按主百官人吏蠲免差配給蠲符自此廢之其

諸州先貢蠲符亦免

景德四年閏五月詔定逐年土

貢劍州等六十六處特與減放夔州等二十七處更不

進物每至賀正只具表聞奏是餘並令依舊仍仰官吏

休認朝廷務便於民特與蜀免今後不得以土貢為名

妄有配率致令煩擾凡創晉昌遂州蜀龍州

提子香蜀紙緇州長治白頰天雄果州遂州

土酥荊芥渝州緇州長治白頰天雄果州遂州

乾預藥臘牙茶細布連州乳石州表紙麥老白鍾雅石硯

新州國黃茶威策笛材布連州乳石州表紙麥老白鍾雅石硯

茶河南府桔梗桑白皮莞花大戟半夏甘參白蠟丹參

旋覆運州梁耒墨眉州長模巴豆黃蠟嘉州紫葛巴五黃州

藥德州兔毫毛津州長模巴豆黃蠟嘉州紫葛巴五黃州

實布松羅連魁商州枳殼卻黃蠟嘉州紫葛巴五黃州

母蔡州澤蘭萊莢齊州枳殼卻黃蠟嘉州紫葛巴五黃州

松明州密隰州莢齊州枳殼卻黃蠟嘉州紫葛巴五黃州

荆子章牛子白頭翁並祛去蕞賀峽萬州興元府仕陽

衛榮泰處黔石均隰丹雅金潭歸峽萬州興元府仕陽

京令尚書戶部牒合屬庫務先次受納來人遣回候正

旦朝賀排仗差人齎擎排列戶部兩朝事一人以兩部判

大宋高麗王書

工充凡戶口田產金穀食貨之政令皆歸於三司本曹  
但受天下土貢元會陳於庭而已今又三人元豐五年  
改官制三司神宗正史職官志三司沿後唐置國朝  
事併歸戶部以兩制學士充使亦有前執政充者於天下財計無所  
不統熙寧初上立政以理財二年以知樞密院陳升之  
叅知政事王安石制置條例建官設屬取三司條例看  
詳具可行事付之三年罷歸中書以常平免役農田水  
利新法歸司農時吳充為使始請復置推勘官七年九  
月三司火燔屋千八十楹案牘殆盡權使元絳落侍讀  
學士罷復建三司買民居益其地仍權寓三司於尚書  
省下諸路自熙寧五年又帳封印以其數上提舉司三  
司吏限三日以所燔所救文籍數上使量輕重制賞罰

又詔三司事未見前比者審議行之大事稟二府吏因  
火為姦及增減功過者論如違制律贓重以枉法論其  
官屬自副使至勾當公事各有常負鹽鐵度支戶部副  
使舊制官至諫議大夫從本班熙寧三年以兵部員外  
郎直昭文館傳堯俞權鹽鐵副使上曰堯俞性疎緩不  
自立先朝擢御史知雜迫於浮言固辭不受命令茲起  
趙倫革恐無以鼓勸趨功務實之流而固循者得以僥  
倖可權發遣公事權發遣自堯俞始七年定式三部副  
使序位以先後為次判官舊為監司出入資無久任者  
英宗治平元年始著令以鹽鐵設案度支錢帛發運案  
戶部修造案及開拆司尤繁劇選秩通判者五人為判

官闕九年乃得出為提點刑獄或轉運副使上即位詔  
許通選合入知州人其已嘗知州者任職及二年秩提  
點刑獄勾院前世或合為一或分為三熙寧七年詔以  
監鐵度支戶部三勾院為都勾院省主判官二而胥吏  
皆如舊明年復減勾覆官二存其一餘皆酌損之憑由  
理欠司熙寧八年詔與入內都知押班通領開拆司熙  
寧八年廢及沈括為使言自廢開拆司三都文案坐失  
關防無以檢察遂復置從銜司掌大將軍將熙寧七年  
詔大將軍將以千五百人為顯提舉帳勾磨勘司熙寧  
五年曾布言給納歛散登耗多寡非有簿書文籍以鈎  
考之漫不可知遂選吏二百置司以馳考天下帳籍三

限在罪

部勾院亦皆選置官吏責以審復優其吏祿課以功限制為賞罰仍選官提舉於是詳定帳籍所言三司文帳自天聖九年官吏憑職上下因循徒有點算之名而無覆案之實畧計治平二年<sup>至</sup>熙寧二年新舊帳送勾者十有二萬並未嘗有所按舉若非別置司專差官提舉即終難整齊乃詔置提舉官同提舉帳勾催驅官各一以三年為任八年詔提舉三司帳勾磨勘司官止差一員十年詔樺資任稍深者為提舉位主判官上元豐元年詔止依三司判官法後數日復置催驅官一是歲冬三部帳司各置官專管勾三員使副通舉陞朝官主簿熙寧七年省三部都孔目勾覆官各一而置主簿三員詔

於京官選人內奏舉章惇以既置主簿則承受催驅及鈎銷簿歷皆可辦由是奏廢開拆司復廢主簿勾當公事官四人舊用京朝官熙寧八年省一員內一員仍改用三班使臣帳司理欠司歸比部衙司歸都官坑冶歸虞部尚書戶部其屬有三曰度支上供奉賜及邦國經度會計之事隸焉曰金部貨賄出納之制及權衡度量頒禁之令隸焉曰倉部凡國之倉廩儲積及其給受之數隸焉舊三司使即今尚書舊三司副使即今侍郎其權發遣副使即之權侍郎舊三司判官推官及判子司官即今郎中員外郎元豐元年以前使副判官及判子司官并勾當堆勘等官並附此 治平四年四月二十

選如已經知州候到二年即令再任理提點刑獄資序	判官其三司久任權發遣判官五員許於知州任內通	事群牧判官並令滿三年職事修舉即除三司開封府	花木膠州 八月十七日詔提點開封府界諸縣鎮公	河門冬煎杭州 八月十七日詔提點開封府界諸縣鎮公	麥門冬煎杭州 八月十七日詔提點開封府界諸縣鎮公	餅饅棗梨廣州 八月十七日詔提點開封府界諸縣鎮公	鳳州紅薑梨州 八月十七日詔提點開封府界諸縣鎮公	襄州紅薑梨州 八月十七日詔提點開封府界諸縣鎮公	錢通海州 八月十七日詔提點開封府界諸縣鎮公	參葡萄州 八月十七日詔提點開封府界諸縣鎮公	紫葛州 八月十七日詔提點開封府界諸縣鎮公	石葛州 八月十七日詔提點開封府界諸縣鎮公	花葛州 八月十七日詔提點開封府界諸縣鎮公	園樓桃淮州 八月十七日詔提點開封府界諸縣鎮公	先春茶廣州 八月十七日詔提點開封府界諸縣鎮公	魚成都府色樣 八月十七日詔提點開封府界諸縣鎮公	四日未神宗即位 八月十七日詔提點開封府界諸縣鎮公
-----------------------	-----------------------	-----------------------	--------------------------	----------------------------	----------------------------	----------------------------	----------------------------	----------------------------	--------------------------	--------------------------	-------------------------	-------------------------	-------------------------	---------------------------	---------------------------	----------------------------	-----------------------------

卷一百一十五

五



九月五日三司使韓絳上治平會計錄六卷降詔獎

諭十月六日新知潭州燕度請於三司使廳置河北

榷場物貨總轄司河北四榷場所須物貨令省司賞給

案取索定數授諸案施行詔三司使廳催轄司專主管

及令度支賞給案判官置簿催驅諸案仰緣邊安撫司

司今後四榷場文字實封於三司使廳催轄司投下

神宗熙寧元年八月三日詔自今諸司局取工匠聽三

司一面指揮先是內侍楊稅等已得旨差後苑工匠造

舒國祁國公主下嫁禮物而後苑奏留不遣中書奏令

兩所祇應上批末事也自今可止令三司一面指揮故

有是詔二十八日三司內當修造案王荀龍請南郊

青城諸殿以平土代磚加地衣省磚十萬及免般請磨  
甃之役萬五千工從之 二年五月十九日權發遣開  
封府當避親故也 二十八日罷提點修造司應修造  
事並只令三司點檢修造所管勾施行 八月十八日  
三司度支副使兵部郎中蘇寀為太常少卿集賢殿修  
撰知梓州曾公亮初欲除寀諫議大夫上弗許公亮曰  
若除待制即更優上曰只與轉一官公亮及趙抃固爭  
上曰吳充除三司使已不轉官公亮及抃又固爭以為  
三司副使劇任如此即無以勸人上曰勸者將勸其任  
職寀果任職否公亮又曰省副但可擇人不可減其恩  
例王安石請以寀為修撰上許之三司副使罷不除待

待制自此始 二十七日詔江淮等路發運使薛向見  
理三司副使資序令三司給以本俸 九月四日權三  
司使公事吳充言本司舊有管勾推勘官一員因循廢  
罷欲乞復置仍舉京朝官或幕職州縣官充從之 十  
九日權三司使公事吳充言乞本司應行諸路州外州  
軍公事分急慢次急三等除程外主定外處應報日數  
委逐路轉運司各選差官吏就本廳置簿專管如一任  
中別無稽遲不了替日委本省保明與先次差遣若累  
有住滯當行勘罰其行下發運轉運提點刑獄府界提  
點等處亦準此委官置簿其轉運司先具差官吏姓名  
申者所有在省三部九子司應行下文字先呈押判官

委是合行方得書押除軍期急速外仍相度程途遠近  
計日數催促不得繁併其外處承領難以遵行或以申  
稟久無回報仰實封申刺使聽以憑根逐其在京諸倉  
場庫務行下文字亦此類施行從之 同日吳充又言  
諸庫務每一庫眼只置門牌一面但記號本庫內官物  
色額不須抄上數目其庫經即拘管見在逐色數目遇  
有支取即更抄轉亦不須更聲說收支窠名去處候旬  
終結計見在若旬內並無支取亦不須轉結即不許揭  
貼改鑿如此則文歷簡便不失關防亦不失編勒并元  
奏請本意所是新舊界交割只依舊用三司印給交頭  
遇有交過官物赴別庫眼收貯即更將所交收庫眼門

牌庫經對行收落已上庫經門牌交頭如有差錯只令  
監官當面勘會改正用印其提舉司所置逐庫交頭并  
令門牌上抄寫數目及自来都庫經顯屬無用合行廢  
罷並從之 閏十月月二十三日權三司使吳充薦虞  
部員外郎王時沈希顏勾當公事又言金耀門文書庫  
歲三司太平興國以來帳案乞差官兩員與監官重編  
排置簿拘閣以備檢用並從之其編排官令三司奏差  
十二月二十二日詔今後權發遣三司副使據見在  
官資支給見錢外其諸添支衣賜等並從正權副使例  
施行 三年六月九日詔三司分在京諸司庫務為四  
案令三司并提舉司勾當公事官每半年一次輪轉各

點檢一窠以三司言提舉諸司庫務所管七十二處所  
差勾當公事止是每季點檢官物齊整其積壓陳損合  
係三司變轉乞令因點檢除中本司更申三司故有是  
詔尋罷之 八月二十八日命提舉在京諸司庫務王  
珪李壽朋同三司使副使提舉編修三司令式候成各  
賜一本令三司通共遵守施行 九月十四日天章閣  
待制知定州李肅之權發遣三司使 二十一日上批  
三司使未到闕副使三人一人差出一人未到止有傳  
堯俞一人計省事劇可速選差官權遂詔給事中天章  
閣待制李中師兼權發遣三司使事 十一月十二日  
權遣三司使李肅之權三司使肅之未至上屢趣之至

未久復有是命

十二月一日詔三司差委本司勾當

公事官一員就催轄司人吏簿歷專切管勾檢舉催促

諸案勘會六路上供之物應報發運司 四年三月七

日江淮發運使天章閣待制薛內權發遣三司使詔賜

金帶以內職未至學士示特恩也 十月二十五日詔

虞部郎中權發遣三司理欠憑由司張宗道駕部郎中

權發遣三司戶部判官王休復屯田郎中三司勾當公

事胡宗道並送審官東院以御史蔡確言其不材故也

月錄五年五月五年六月十六日權三司使司勳郎中

天章閣待制薛內為右諫議大夫明堂禮成有司誤遷

向官詔罰中書吏而遷向官如故 六年六月二十七

日以三司冑案為軍器監詳具軍器監八月十九日判

軍器監呂惠卿言乞撥三司冑案吏赴本監及東西八

備司廣備指揮兵級本軍與提舉司將作監等同統領

從之仍詔廣備指揮專隸軍器監七年正月二十五

日遣三司勾當公事李杞相度成都府置市易務利害

三月八日軍臣王安石言提舉編修三司勅武成四

百卷乞修寫付三司等處從之四月五日詔三司勾

當公事李杞等罷相度成都府置市易務山具經畫茶

於秦鳳熙河路博買利害以聞其後成都府轉運司同

議亦以為便從之八月七日罷諸路剋刷錢帛官先

是上批問三司見差是何官在淮南剋刷錢帛中書言



司門郎中王道恭太子中舍趙鼎詔罷之 十七日命翰林學士黑侍讀學士尚書工部侍郎元絳權三司使絳乞免赴講筵從之 九月十七日三司火自己至成止熱屋千八十樞業燬殆盡詔三司權於尚書省蒞事十九日檢正中書五房公事李承之言三司帳案文字焚燒幾盡外方人吏因此折兌隱藏案驗乞下諸路應熙寧五年後文帳案驗委州縣畫監勒吏人檢取封印案閣具道數申提舉帳司其吏人各據所管生事文帳及案底簿歷開拆收救名件限三日判使紐計分數并具火勢先後申中書省看詳收救并燒失若干量輕重賞給如敢隱藏或故毀棄即令點檢申舉許人告犯

人以違制論情理重者當刺配告人給賞錢二百千從之 同日詔三司點檢編排帳目文字具散失數及收救不足並申中書或樞密院下諸司檢錄降下中外奏聞事關三司未回報并諸處承受三司指揮勘會事未回申雖已回申未行下指揮當絕結者限五日申中書或樞密院元申牒三司文字即一面申牒三司以上並令本司置簿拘管敢有隱落以違制科罪其應見行事如未見條例並審議施行如事體稍大申中書或樞密院諸因三司火文案不全輒敢詐欺規圖官私財物及增減功過以違制論計贓重者以枉法論 二十日知制誥直學士院章惇權發遣三司使詔惇選舉判官不

為例 同日詔將作監檢計三司地基分布修蓋除副  
使判官不置堂外餘修如故買民居增廣地步所用材  
木令熙河採伐輸運委都運使熊本提點刑獄鄭民憲  
管勾 十月八日詔將作監具已科定修三司所用監  
官兵匠之數及合役月日以聞 十六日詔三司置會  
計司以宰臣韓絳提舉先是絳奏三司總天下財賦其  
出入之數並無總要考校盈虛之法欲選官置司以天  
下戶口人丁稅賦及場務坑冶河渡房園之類祖額年  
課及一路錢穀出入之數去其重複注節歲比較增虧  
及其廢置名件錢物羨餘橫曹等數或收多則尋究因  
依以當職之官能否為點陟若吏不足或有羨餘理當

推移使有無相濟如此則國計大綱朝廷可以省察議  
論政事足寬民力仍乞自絳提舉而三司使章惇亦言  
天下財賦帳籍汙漫無以察其耗登之數請選置才士  
刪修為策每年校其增虧以考驗諸路當職之官能否  
得以升黜故有是命 同日權發遣三司使章惇奏乞  
從臣委官及選檢法官一員同取索在省主行文籍逐  
一看詳素有令式者歸有司未有令式者立條制又奏  
三司僚屬從臣選舉外司之財三司總領如外司有不  
職不奉法者以時按舉從之 十一月五日三司使章  
惇乞減罷都孔目官勾覆官各一人辟官三員充三部  
主簿詔許舉京官選人惇以既置主簿則承受催驅及

鈎銷簿歷皆可辦由是奏廢開拆司

八年二月三日

以太常侍太祝王安上為右贊善大夫權發遣度支判官用權三司使章惇之舉也 十四日廢在京雜賣場

三司請如勾當官王頤奏廢場歲省官吏廩祿二千餘緡故也 十月又從三司請復置 五月六日詔三司判官

杜訢展二年磨勘檢法官買種民特衝替坐斷犯倉法人從杖罪中書以為不當為故也 二十五日戶部判

官兵部郎中直史館陳汝義提點醴泉觀初御史蔡承禧嘗言汝義庸下凡處不可任三司判官阮而汝義自請罷故有是命是日三司使章惇奏屯田郎中李陟可代義上批令早中書方得指揮除汝義宮觀何故三司

已舉官遂寢其奏 六月二十三日提舉三司會計司

上一州一路會計式餘天下會計候在京諸司庫務帳足編次從之 九月十一日罷三司會計司從韓絳請

也 十月二十三日復置雜賣場初三司請廢雜賣場

中書戶房以為不便下三司而三司儀與前異乃復置

詔三司官上簿 三月十四日廢 十二月十二日復置

三司開拆司廢三部主簿初章惇為三司使廢開拆司

入三部至是沈括以為失閔坊點檢故復之 九年八

月二日三司言管勾軍器將作監買木宋述得旨除絹

外給錢十萬緡述擅支十七萬七千餘緡理當推問緣

事屬軍器將作欲乞降朝旨驅磨仍自今應支三司錢

物雖係別司亦許點檢從之 十年七月二十四日詔

三司月具在京所支金銀錢帛總數以聞 八月二十

三日三司請今後御前及太皇太后宣旨內降取索事

干急速及常須器用酒醴茶藥之類先次施行依條復

奏從之 二十四日詔三司使副同講求理財經久之

術具利害條畫以聞 元豐元年閏正月三日三司請

應在京官司係支省錢物及拋降計置出納移用並關

申三司相度指揮從之 七日復置三司帳司催驅官

一員 二月二十五日三司奏在京倉庫支納浩瀚自

御厨至店宅務其監官乞奏舉從之 十二月十九日

詔罷都大提舉在京諸司庫務司其所領事令三司分

隸所屬 二十四詔罷三司推勘公事官減軍器監勾當公事審官東院流內銓及將作監三班主簿左右軍隨巡判官各一員 二年正月二十五日工部員外郎竇文閣待制集賢殿修撰權三司使李承之為龍圖閣直學士上批承之赴省供職已及一年八月特有是命 二月五日詔近已罷都大提舉在京諸司庫務司其所隸庫務令三司副使判官勾當公事分季點檢申中書 四月五日權發遣三司鹽鈔判官提舉成都府尋路茶場國子博士李稷言自熙寧十年盡推行茶法至元豐元年秋凡一年通計課利及舊界息稅并已支見在錢七十六萬七千六十六緡上批蜀茶變法又前後



奉行使者失指議論紛紜恐動郡聽稷能推原法意日  
就事功宜速選權以勸在位遂落權發遣 二十八日  
鹽鉄副使工部郎中李復圭為集賢殿修撰知滄州候  
二年與諫議大夫 五月四日權發遣戶部副使韓忠  
彥改鹽鉄副使權發遣鹽鉄副使王居卿改戶部副使  
以上批鹽鉄事繁居卿無職別使恐難剴辦仍事與市  
易相干妨礙故也 九月二十九日詔鬻官鹽場務錢  
屬三司外鄉村場務買名錢依舊入司農寺詳具司農  
寺 十一月二十七日權三司使李承之戶部副使王  
居卿判官劉程各罰銅十斤以手詔大行太皇太后神  
主虞主用桑栗二材即為神體三司乃榜雜買務市於

問閭下民之家藝漬之甚無易如此故罰之 十二月  
二十六日詔都官員外郎權發遣度支判官李琮陞一  
任餘減磨勘年循資堂除先次優便是遣者二十八人  
以根究江東兩浙路逃絕虧陷稅役等錢九十九萬緡  
也 三年四月十五日提舉茶場范純粹兼三旬勾當  
公事以李稷言純粹任右贊善大夫官卑恐不能彈壓  
州縣故也閏九月二十一日龍圖閣直學士朝奉郎權  
三司使李承之為樞密直學士以應副明堂畢賞勞也  
四年正月十日權發遣三司度支副使塞周輔兼措  
置河北糴便 四月十八日詔權發遣度支副使兼措  
置河北糴便塞周輔兼提舉江南西路廣南東路監事

其主行監事監司之不勝任者體量以聞置兩局于司  
農事 六月四日權發遣度支副使塞周輔為河北路  
體量安撫除河防事李立之經畫外應干賑恤並詳度  
施行 九月二十九日詔三司選差勾當公事官一員  
往廊延路點檢催輦載紬絹等綱仍根究津般車方處  
以聞 五年大改官制四月二十三日降授中大夫龍  
圖閣直學士權發遣三司使安燾試戶部尚書 二十  
四日通議大夫知潭州謝景溫太中大夫知制誥知應  
天府李定並守戶部侍郎景溫尋改禮部朝請郎天章  
閣待制河東路轉運使陳安石試戶部侍郎 六年三  
月十六日詔自今擘畫冊事課利歲收每及萬緡還一

資許官吏均受著為令 四月三日詔諸課利場務監  
官北祖額見虧者早入募出候敷及祖額依舊卯入申  
出從大理少卿呂孝廉請也 九月四日詔自今戶部  
考較提舉官功過係上下等送中書省取旨 十九日  
新知蔡州黃好謙言伏見尚書六曹如戶部左右曹事  
務皆繁劇郎官自早至晚書押不絕無暇省覽事祖致  
差失稽違乞兩員郎官處分案治事所行符亦許員外  
郎簽書從之 十二月二十四日詔尚書戶部右曹令  
侍郎專領尚書不預 七年三月八日詔京東都轉運  
使吳居厚修舉職事致財用登饒人未創嘗有更革止  
用朝廷舊令必是推行自有檢察鈎考法度宜令尚書

戶部左曹下本官具事曲折從本曹刑修以聞 四月  
七日尚書戶部言本曹每歲收支常平免役場務義倉  
金帛米數及田產已佃未佃已賣未賣水利或增或廢  
前此未有以拘考乞從本部立法從之 六月二十三  
日詔稅務年終課增額依鹽酒務實格從京西轉運司  
請也 八年六月三日詔水磨茶場隸太府寺仍屬戶  
部左曹 八月十六日詔給戶部右曹錢六千萬充廊  
延路邊雜 九月四日尚書省言汴河堤岸司所管房  
廓水磨茶場及京城所管房廊歲入錢數除代運免行  
錢指定合支數外並充本曹年計支用按在京諸色行  
共出緡錢四萬三千三百有奇數內約支二萬六千九

百有奇充和雇諸色行人祇應等錢外餘一萬六千四百有奇權貨務送納準備戶部取撥充還支過吏祿錢其在京免行錢盡行放罷自來以免行錢充吏祿及食料錢等並以所撥汴河堤岸司及京城所房廊錢內給其諸色行人自來差赴官中祇應人數下開封府並依舊條從之 同日中書省言在京免行錢既與放免并汴河堤岸司京城所房廊並撥隸戶部左曹及歲收課利除代還免行錢支吏祿外餘並充本曹年計所有水磨茶場乞令左曹疾速措置經久利害以聞從之 十月九日臣寮言在京市易帳狀舊申三司鈎考官制行分屬戶部左曹元豐七年內外市易右曹總其政令改

隸太府其帳當歸右曹從之 十三日詔戶部諸監可

裁減者速具以聞 哲宗元祐元年詔增置勾當公事

官二員 此據職官志不得其日月 閏二月六日門下侍

郎司馬光言天下錢穀之數五曹各得支用戶部既不

知出納見在無以量入歛乞且令尚書兼領左右曹其

諸州錢穀金帛隸提舉常平倉司者每月具文帳申戶

部六曹及寺監歛乞支用錢物先關戶部符不得應副

其舊日三司所管錢穀財用事有散在五曹寺監者並

歸戶部若戶部事多官少難以辦集即乞減戶部冗末

事務付開曹比司兼領仍通隸戶部如此則利權歸一

若選用得人則天下之財庶幾可理詔令尚書省立法

四月八日門下中書外省言取到戶部左右曹度支  
金部倉部官制條例并諸處關到及舊三司續降并奉  
行官制後案卷宣敕共一萬五千六百餘件除海行敕  
令所該載者已行刪去它司置局見編修者各牒送外  
其事理未便體制未順并係屬別曹合歸有司者皆釐  
析改正刪除重複補綴闕遺修到敕令格式共一千六  
百一十二件并刪去一時指揮共六百六十二刪并申  
明畫一一刪乞先次頒行以元豐尚書戶部度支金部  
倉庫敕令格式為名所有元豐七年六月終以前條貫  
已經刪修者更不施行其七月以後條貫自為後敕又  
言上供錢物舊三司雖置吏拘推然無總領止據逐案



開到上簿如有不至逐相因習歲月之久官吏遷易無以拘考今戶部雖有分職度支主歲計金部以度支關到之數拘惟然漫無格法本省昨取索款類以成書而諸案文簿無可考核已詢諸庫務求訪舊籍互相照驗修立為格其間不備事節雖據所見送本部省詳緣事干諸路尚慮有未盡不同事乞令本部取索點勘如有未盡不同事件即補正添入並從之七月二十四日戶部言府界諸路州軍錢穀文帳舊申三司者昨付逐路轉運司提點司點磨其常平等文帳舊申司農寺者昨付逐路提舉司點磨及在京庫務文帳見分隸禮兵工曹者請並收歸戶部從之用司馬光閏月所立法也

二十八日戶部言今諸曹寺監錢物悉收歸戶部獨府界錢穀舊係三司管勾今歸府界提點司未嘗釐正亦請收歸本部從之 八月先是戶部言乞於尚書廳置都拘轄一司又言舊三司所管場務官制後並不曾差官點檢歇乞除依條所轄寺監季點外今後每季令本司檢舉牒本部郎中詣場務點檢具事理供申內有已經寺監點檢了當去處如有乖違不職其寺監所差官亦許郎官舉劾如不係本部所轄場務亦依此關所屬點檢訖報本部從之 十月六日禮部言戶部關准敕戶部尚書廳置拘轄一司按舊三司所管場務官制後並不曾差官點檢歇乞除依條所轄寺監季點外如不

係本部所轄場務亦依此關所屬點檢訖報本部詔今  
後郎官與寺監官互輪季點今詳諸坊庫雖舊係三司  
主行之事緣見隸本部所轄若候到別部移文方行點  
檢於理未順欲乞每季終本部郎官與光祿寺官依今  
來朝旨互輪點檢更不候戶部關報如有點檢係戶部  
事即行關報其餘諸部亦合依此從之 十一月一日  
戶部言近朝廷將五曹寺監應錢穀財用以類相從合  
關申並歸戶部即諸色入酬獎乞更不下太府寺止自  
本部審會從之 十二月二日詔開封府界并諸路提  
刑司元豐已前免役坊場錢物令戶部別封樁逐年具  
數申本曹點檢繳申尚書省注籍其擅支借並依常平

錢法 二年二月六日左右廂店它務諸司諸軍專計  
司糧料院香藥庫北底梗所粳米上中下麥料上下諸  
界舊隸三司舉官其令戶部奏辟著為令 七月二日  
戶部言制國之用量入為出必當周知天下金穀之數  
以察登耗虛實必資成法以為總要國家措置三司官  
即今戶部之職自景德皇祐治平熙寧並修會計錄事  
目類分出納具見歲月已久未及編纂宜復講修以備  
觀覽請就委本部官編集從之 三年三月一日戶部  
言在京富積歲計應用之物款將可存留外有餘令以  
新充舊估賣闕則前一年其不可留者並半年並計度  
中所隸處審實申尚書本部計置從之 五月二日三

省言大理寺有治獄並罷請依三司舊例於戶部置推

勘檢法官治在京官司應干錢穀公事從之又增置勾

當公事官二員

此據職官志增入不得其時今附此十

五日戶部言三司事務分隸六曹寺監今將錢穀事收  
歸戶部除左右曹度支金倉部見今有合隨事勘斷外  
它曹公事若得承勘於理未便況金帛糧草除係本部  
諸案及所轄寺監庫務外別部所領已係交付之物如  
合推治自當送開封府從之 十二月八日戶部尚書  
韓忠彥侍郎蘇轍韓宗道言臣等竊見本部近編成元  
祐會計錄大抵一歲天下所取錢穀金銀幣帛等物未  
足以支一歲之出今左藏庫見錢費用已盡去年借朝

封樁末錢益一百萬貫以助月給舉此一事則其餘可  
類推矣臣等願及今日明敕本部取見今朝廷政事應  
干費用錢物者隨事省詳量加裁減使多不致於傷財  
少不致於害事二聖以身率之大臣以身先之使天下  
曉然皆知事之當然而非朝廷有所靳惜則誰不能服  
昔治平熙寧之間因時立政凡改官者自三歲而為四  
歲任子者自一歲一人而為三歲一人自三歲一人而  
為六歲一人宗室自祖免以上漸殺恩禮天下晏然莫  
以為言此則今日之成法也臣等伏乞檢書賀元慶嘉  
祐故事於本部置司選擇近臣共議其事嚴立近限責  
以寔效法度一成數歲之後費用有節府庫漸充傳之

無窮久而不弊則其於聖德寔非小補也。貼黃稱勘會  
頃降朝旨令本部裁減浮費前後所減三十餘事率皆  
浮費之小者然所減已約及二十餘萬貫不為無補。今  
若事無大小並量行裁酌裁損則其為利必大伏乞聖  
慈早賜施行。詔戶部取索應干財用除諸班諸軍料錢  
衣糧賞給特支依舊外其餘浮費並行裁省節次以聞。  
四年五月二日詔諸州旬具有無雨雪申戶部開坐  
縣分除尺寸及月日時本部逐旬繳進。五年八月二  
日戶部言請受添給起支訖具例申戶部未有例者奏  
聞其已奏申後應有增改者亦申部從之。六年七月  
七日戶部奏立役人差出五百里外借食錢法違戾者

今提司檢察從之 八月九日戶部言朝廷及戶部封  
樁并常平等錢物擅支借及他司借常平等錢雜買物  
斛應對行支撥未樁撥價錢而趣支用者徒二年其常  
平等錢仍不以去官赦降原減內封樁錢物應副軍須  
急速不可待報者方許支借仍具數申所屬給限撥還  
若允充沿邊要切支用而已於別州樁定錢物或召人  
入便省還送之費而無妨閭者申稟尚書省及本部從  
之 二十八日三省言諸路戶口財用雖戶部每年考  
會總數即未有比較進呈之法復不知民力登耗財用  
足否今立定式令諸州每年供具以次年正月申轉運  
司本司以二月上戶部本部候到於半月內以次上尚



書三省類聚進呈違者杖一百從之

七年九月五日

戶部言本部假日諸處解公事並送廟寄禁至假期日  
方押赴部勘斷其間甚有情法至輕而偶假故連綿禁  
至五七日者頗為未便今欲乞假日輪本部官一員午  
前入省輪推司杖直各二人直日杖已下罪事非追究  
者聽決過本省官當宿日只令宿官以時入省斷遣其  
省曹官吏畏避諸處問難點檢多務因循不即結絕亦  
不卹小罪非理淹留如許施行其顯有推避不即結絕  
亦乞行約束從之 紹聖元年閏四月二日詔六曹准  
備差遣戶部勾當公事皆元祐所置悉罷之 六月八  
日戶部言右曹昨因廢提舉司罷免後常平義倉等事

務簡少准朝旨右曹侍郎兼領金倉二部今已依舊置  
提舉管勾官復行免役義倉歆釐正左右曹職事並依  
元定官制施行從之 七月八日權戶部尚書蔡京狀  
左司諫翟思言元祐以來朝廷以理財為諱利入名額  
類多廢罷財利既已散失復且借貸百出悉在蠲除而  
熙寧元豐間餘積侵用幾盡歆下諸路取會元祐以前  
倉庫所積金穀及已用過多少自祖宗以來財利名額  
與其歲入常數廢減多少各具條奏立為成法嚴著科  
條督責辦集詔送京看詳措置今乞差使臣人更升於  
本部選差四人魚行並不支添給候了日量加支賜從  
之 二年十二月二十二日戶部奏請右曹錢物自元

祐以來改更舊制之後常平等錢諸處官司奏乞借用  
習以為常今復行免役常平散歛之法其後錢各有支  
便窠名乞今後他司並不許奏乞借用本曹錢物從之

三年正月二十四日三省言元祐指揮戶部尚書舊  
領左右曹事詔戶部右曹令侍郎專領尚書不與二  
月十日戶部侍郎李南公言天下財賦若非專責人更  
鈎考無由杜絕欺弊元豐中賞格驅磨點到失陷官物  
每推及一分者使給三釐充賞別有止法人人有所勸  
激元祐改法每納一分以二釐充賞至五百貫止則人  
吏不復用心必有失陷之弊今欲並復元祐條知大段  
數多取朝廷指揮從之 九月十二日三省言戶部右

曹所領職事係屬舊司農寺本曹郎官兩員主行昨自  
元豐七年間准朝旨郎官分治因此逐各分定諸路緣  
近時申請舉行事既不相照又難以逐一開會不免其  
間或有異同兼郎官一員在假則兼領者不能盡知首  
尾況今來復法之初諸路申請甚多須至一體行遣詔  
本曹申請文字郎官兩員通書具符下諸路文字依舊  
分押餘依舊條十一月十八日殿中侍御史陳次升  
言監司自元祐四年後取酒稅最增最虧及二分者比  
類取旨賞罰請令戶部責限鈎考從之十二月二十  
二日詔戶部每歲春季內具諸路轉運等司起發上供  
錢物多寡職事修廢尤甚之人保明以聞二十四日

戶部言在京所轄庫務自來取貯官物多不整齊請令  
後暫委本轄郎官一員前去點察詔每歲內許郎官前  
去點檢一次元符二年十一月二十五日戶部言元  
豐官制寺監不決者上尚書省本部又不能決者奏裁  
若直被朝旨應覆奏者依條仍各申知又六曹通用令  
稱取裁者並隨事中都省樞密院令請並依元豐舊制  
從之

宋會要

徽宗建中靖國元年四月三日戶部奏本部累據買撲場戶人戶陳狀為敗折少欠拘納抵當在官乞以所收子利填欠檢會嘉祐以來舊條買撲場務人戶少欠課利拘收產業仍許子利相兼充折納官紹聖元年因奏鳳路提點刑獄司申請止以課利錢折納產業在官者方許以所收得利償欠淨利錢不許折填理有未盡元符新令又不以課利淨利皆不許償欠尤為未便欲乞將買撲場務敗闕少欠課利并淨利估納產業入官之家如未有人承買若無欺弊者許以所收課利填欠償足給還或貼納所欠錢收贖若欠人願自往佃出納課

利者亦聽其指揮到日已前出賣了當或官中改修別  
民占使者不在此限從之 七月十三日知真州王漢  
之奏諸路財用歲入多寡與其登耗官司無以周知安  
能督治經畫以待一歲之用乞諸縣於本州為都籍則  
可以周知一州財賦之所入舉諸州於轉運司為都籍  
則可以周知一路財賦之所入自此總之諸路則天下  
之財賦亦可舉而知也詔諸路轉運司如漢之所請  
崇寧五年二月九日詔內外冗官頗多不能振舉職事  
徒費祿廩虛置吏人可依下項施行除係宮觀歲廟判  
太醫局減罷人員餘並減罷係釐務官員並與先次占  
射差遣軍大將與先次差遣人吏歸元差來去處召募

到人放停仍照會今月七日已降指揮應今來省併減  
罷官局令交割諸色錢物等令戶部侍郎詐幾專切提  
舉所屬官司勤令省併減罷官吏合千人等限一月交  
割數足其帳狀點檢別無綰繫漏落即行放罷仍將交  
割過錢物等總計編類成冊中尚書省及仰御史臺逐  
察取索點檢在外令所轄監司依今月七日指揮施行  
大觀元年八月五日試戶部尚書徐處仁奏國家承  
平日久生齒繁庶百倍前代田加廣而計畝不足以夫  
授間民無常職而未有轉移之法地大物夥理宜經畫  
長慮必使人無遺力地無遺利然後咸得以養生送死  
而無憾矣今古之變水陸之宜與夫深山大澤皆有可



興之利游手之民皆有可用之力願勸率之何如爾今  
乞已著於令者申戒守貳極力奉行未見於事者宜下  
攸司講究立法蓋三農有法以勸率之則敦本而力穡  
民官有法以磨勘之則趨事而赴功今乞縣丞任滿興  
修過農田水利許累計頃畝比類推賞民之收買農器  
耕具實非興販者特與免稅仍乞縣令皆以管勾勸農  
公事入銜庶幾宣昭德意以示天下從之 四年五月  
十一日中奉大夫試戶部尚書許幾奏着詳諸路支依  
和豫買各施行不一緣已有崇寧五年四月二十三日  
詔近降和買細額即與熙寧舊法似有違戾可遵依熙  
寧二年十二月五日勅命施行臣今相度欲乞特降指

揮下諸路子細遵依熙寧舊法所貴體均一不致臨時  
依散偏重詔依奏 政和元年九月五日戶部奏臣寮  
上言今財用之數寔以紛紊朝廷有司每難覈寔歆望  
許援故事取大觀酌中一年財用支納數約倣舊制編  
次成書上進奉聖旨可令戶部並依今來臣僚上言理  
施行仍就差本部郎官更人不妨本職漸次編類本部  
合要內外收支錢物案名數目乞從本部立式取索外  
路委轉運司官專一催督供攢點勘圓備從轉運司保  
明供申如報到檢點得却有隱漏重覆收支不寔應千  
繫官吏科杖一百罪并取會文字被受官司外路限一  
月回報往回文字並入馬通若有稽違許本部下所屬

從杖一百科斷左右看詳款並依戶部所申事理施行  
從之二年三月二十四日戶部言已編定傍通格子拘  
籍錢物所有立武取會内外官司事並已寢罷從之二  
年五月二十三日叅照官制格目所奏伏奉詔旨叅照  
官制日內左曹掌掌平免役之政令坊場河渡之事本  
曹合行事務內有相度改更常平免役坊場等事有干  
大法者許奏裁近取會行遣本部稱自來未有行遣如  
朝廷逸下諸處陳請勘當取裁旨依六曹通用今申都  
省款乞今後常平免役坊場等事有相度改正大法者  
並依格目令本部奏裁奉詔批更革常平政令神考彛  
訓委以右曹專一主行之凡有更革大法許本部奏具

防微杜漸之首槩可見矣戶部雷同別曹例申都省顯  
屬失當自今後可依官制格目仰本部直達奏裁 六  
月八日參照官制格目所奏戶部具到熙寧三司教式  
詳置催轄司本部稱官制奉行不曾分隸至元祐元年  
承教依熙豐舊三司條制於本部置都拘轄司總領戶  
度金倉四部財賦後來承朝旨刪去元祐指揮契勘都  
拘轄司雖是沿襲三司事務緣係元祐元年立名今欲  
乞遵熙寧三司教式以催轄司為名其應主行事務  
即並依見行條貫從之 三年二月戶部奏伏覩諸路  
買樸坊場依降召人實封投狀添錢承買準紹聖免校  
教已買樸而官司經畫請官監者徒二年以革侵紊之

弊自奉行後未尚有陳請將興販去處拘取官監計一  
百餘處雖有上條徒為虛文歆乞下諸路監司今後遵  
依紹聖免役敕條施行如尚敢依前陳請者從本部申  
朝廷乞重行黜責從之 三月二十六日戶部尚書劉  
炳奏本部契勘諸路上供錢物大觀於係以提刑司具  
到椿發起離本路盡絕月日以數比較取率先椿發數  
足處令戶部保明申尚書省係大觀已修定令文昨承  
政和元年三月四日朝旨更不施行緣諸路上供錢物  
萬數浩瀚若不旌賞無以激勸今歆乞依上件大觀已  
修條令施行從之五年五月十八日戶部尚書劉炳等  
奏契勘本部承受官員諸色人狀詞外有事干外路合

行取會待報件數不少近來多是經歲月不見回報了  
當雖依條三經舉確究治人吏緣所委究治官司互相  
容庇不為盡公施行致本部久掛案祖不絕結今相度  
應行下外路取會待報文字若兩經究治其元承受官  
司依前不見圓備回報并究治官司不為究治了當逐  
處當職官並展一年磨勘人吏配千里若事體重者從  
本部申乞朝廷重賜施行詔依餘曹依此 十一月九  
日戶部尚書劉炳劄子奏臣劾勘本朝事務最為繁劇  
逐日承受朝廷送下勘當定奪及諸色詞狀官司關報  
呈請文字其間合取會待報未結絕文字自來雖有簿  
籍拘管緣與已結絕事目一表抄轉鈎銷散在四部諸

案難以稽考或行下遠路往復動經數月雖累究治若無報應其間不免有稽緩廢弛之弊臣今相度欲乞將本部取會待報日下不能結絕文字從長貳廳批入鑒旁通冊首書寫見行條令專一拘籍銷注題考催督於四部人吏內各選差于分貼司二人見請請給外手分日支食錢二百文貼司減半仍令催轄司檢察此則以要治繁不離凡案之間周知細大之務上稱陛下訓迪治官之美詔依奏六曹寺監准此六年九月十九日詔常平散歛之法民受其賜喻三十年歲久法玩吏緣為姦州縣監司習以為常事有稽緩至累年不決文移取會輒不具報赴訴省部日常有之民失其平提舉官

號為事簡不復有察紹述之政莫此為最而弛廢若此  
非所以奉承先志可令戶部右曹應三催不報或踰年  
不結絕并州縣監司行遣失當並具奏劾官員隨重輕  
黜責吏配千里仍令尚書省御史臺覺察糾劾以聞  
重和元年十一月二十二日戶部奏契勘闕下百色經  
費惟仰諸路歲入上供錢穀應辦若稍涉稽遲則必誤  
指擬歛乞今後應催促取會上供錢穀文字不報約計  
往回程限依法行下究治外如兩經究治了當並許本  
部行下鄰路提刑司取勘逐處官吏仍不以赦降原減  
檢會政和五年五月十八日勅節文戶部劄子本部承  
受官司文字兩經究治其元承受官司依前不見聞備



回報并究治官司不為究治了當逐處雷職官並展一  
年磨勘以吏配千里若事體重者從本部申乞朝廷重  
賜施行詔依餘曹依此內取勘並申尚書省施行餘依  
奏 宣和三年閏五月四日詔部言財賦歲入有限幾  
察出入尤在精密乞應在京官司場務所收課利等錢  
不許他處別留支遣並依元豐條制從之 九月十六  
日戶部奏勘會轄下倉場庫務盡係給納官物去處收  
趁課利覺察情弊全在監官得人其間亦有無心力之  
人魚權差管勾尤更苟簡緣此多致失陷官物不少欲  
乞從本部銓量踏逐奏差所貴得人倚辦稍助邦計詔  
許奏差一次 五年七月十九日詔戶部職在會計通

來朝廷日以推貨務錢應副外所有綾絹綿等亦並不預先措置催促鈎考備員尸祿失職為甚長貳郎官並降兩官責以後劾如尚敢不修舉職事當議遠竄諸路起發綾絹紬綿違限路分轉運司官先次降兩官令提刑司取勘具案聞奏 六年十一月三日詔戶部辟官並依元豐法 十七日戶部尚書盧昱等奏契勘江東淮南京西兩浙路積年拖欠上供錢物計六十三萬二千九百餘貫匹兩前後雖責立期限至今並各出違再限尚未見樁發竊緣來歲係大禮年分所用金帛等數目浩漸檢會政和四年九月二十八日朝旨諸路拖欠錢物令戶部對立賞罰申尚書省令相度欵將來逐

路拖欠錢物比附上項朝旨從本部別立近限對實修  
罰本部契勘逐路數目不等款將元拖欠錢物二十萬  
貫匹兩以上路分責限半年盡數發起上京如依限起  
發數足提轉運司當職官各減三年磨勘人吏支絹二  
十匹限滿起發不足各展三年磨勘人吏降一資元拖  
欠錢物一十萬貫匹兩以上路分責限一季盡數起發  
上京如依限起發數足提轉兩司當職官各減二年磨  
勘人吏支賜絹一十五匹限滿起發不足各展二年磨  
勘人吏降三名元拖欠錢物一十萬貫匹兩以下路分  
責限兩月盡數起發上京如依限起發數足提轉兩司  
當職官各減一年磨勘人吏支賜絹一十五匹限滿起發

不足各展一年磨勘人吏降兩名以上並乞從本部開具合該賞罰路分申取朝廷指揮施行其椿發處亦乞從提轉兩司開具依限椿發數足并限滿不足去處申部候到從本部申取朝廷指揮特賜賞罰施行從之

欽宗靖康元年六月十七日戶部言臣寮奏天下財用歲入有常理當會見大數合歸於一以制盈緩虛急之宜而量入以為出比年以來有御前錢物朝廷錢物諸局所錢物戶部錢物其講畫哀歛取索支用各不相照以致暗相侵奪公私受弊豐耗不能相補出入無以檢察天下常賦多為禁中私財支用取足不恤有司之上上溢下漏而民力困重欲委戶部官措置其事目曲折

續令條畫務要事出于一計臣得以周知大數而不失  
盈虛緩急之宜上至宮禁須索下逮吏卒廩餼一切付  
之有司格以法度示天下以至公有旨依本部今條具  
到綱目應合屬計司所入窠名見今他司侵占作御前  
或朝廷及諸局所錢物乞委諸路漕臣總領根括除依  
熙豐舊法合屬朝廷并納內藏奉宸庫或轉隸他司錢  
物及茶鹽錢之類止令會見大數外自余應諸司所入  
財賦不以御前朝廷諸局所戶部諸色錢帛金銀物斛  
等並究見所入窠名今轉運司總領拘收盡歸計司合  
而為一仍以政和三年後來五年收支取一年酌中數  
如內有此即目增損改易廢罷窠名錢物並逐項聲說

保明申戶部所貴周知盈虛檢察出入裁省浮費一遵  
祖宗舊制從之 十九日戶部所貴周知盈虛檢察出  
入裁省浮費一遵祖宗舊制從之 十九日戶部尚書  
梅執禮言檢承宣和七年十二月二十三日御筆手詔  
罷諸局所及西城所見管錢物並付有司近節次拘收  
到懶芳蘭內外屋宇田園等見立課利名人乘佃間却  
承專切提舉京城所備坐到內降御寶劄子復拘回蘭  
地屋宇共三十四處上件蘭地既係聖旨拘收其京城  
所又取內降御寶指揮占奪私用更不經由三省顯見  
有司難以奏行朝廷命令詔並令戶部拘收 九月二  
十二日詔戶部尚書梅執禮為任刺曹免兼侍講 尚

書一人侍郎一人通管五司左曹郎官一人右曹郎官  
二人左曹分案有三曰戶口掌凡諸路州縣戶口孝義  
婚姻良賤民間債負州縣陞降戶口官員增收漏戶酬  
賞改立官戶分析財產科差人丁典賣屋業陳告戶絕  
財產索取妻男借貸錢物之類曰農田掌農田及田畝  
務限奏豐稔驗水旱蟲蝗勸課農桑詣佃地土令佐任  
滿賞罰繳奏諸州雨雪檢按災傷逃絕人戶曰檢法掌  
凡本部檢法之事設案有三曰二稅受納驅磨隱匿二  
稅支移折變曰房地掌諸州樓店務房廊課利人戶侵  
占官地裁減房地錢催從僧道免丁錢土貢獻助之類  
曰課利掌諸州軍酒務課利比較增虧知通等職位姓

名人戶買撲官鹽場酒務祖額酒息賣田投納牙契又有開拆知雜司吏額主事二人令吏五人書令史十二人守當官十八人正貼司二十人右曹分案有六曰常平掌常平農田水利及義倉賑濟戶絕口產居養鰥寡孤獨之事曰免役掌免役不係教閱保伍曰坊場掌坊場河渡裁定公便支酬衙前綱運路費曰平准掌市准市易抵當鬻藥石木炭等曰檢法曰知雜吏額主事一人令史四人書令史九人守當官十人貼司二十人高宗建炎元年七月二十五日詔知樞密院張懋一提領措置戶部財用二十七日詔右曹所轄局務并見行坊場免役之法併歸左曹令戶部尚書總領人吏



依元祐法五十四人為額

以罷諸路常平司併入提刑

司也

二年四月二十三日中書侍郎專兼一提領措置

戶部財用張慙言檢准政和敕即文諸收支官物不即  
書歷及別置私歷者各徒二年欲望責限一月各許自  
陳改正限滿從所屬及臺察點檢有違並依條施行從  
之 同日詔戶部督責司農太府及轄下倉場庫務並  
依政和令各置都簿具載所轄應用簿歷名數差近上  
職級掌管遇有增減報督簿司除附過官員替罷人更  
出職監專替移並中所屬同亦歷庫經要切簿書對交  
仍增立批上印紙之法從張慙之請也 九月八日詔  
官員赴任顧人錢候到新任日勘支舊制官員赴任雇

人錢係諸路起發詔京於戶部樁管自駐蹕揚州並於  
本州勘請故有是詔 十月十七日戶部言石曹歲奏  
常平等錢物等數秋季具冊以聞今為會問未集乞免  
進一次詔據已到數攢造投進餘依 三年四月十三  
日詔戶部郎官以一員為額吏人減三分之一 同日  
詔太府司農寺併歸戶部 十月二十四日詔今後瞻  
學錢糧並從戶部置籍拘催諸路提刑司收椿散有隱  
漏不寔並依供報無額錢物隱漏法斷罪從戶部侍郎  
葉份之請也 紹興四年四月十六日詔戶部供納內  
藏庫夏季見錢五萬貫令左藏庫以金銀折納以闕見  
錢從戶部請也 七月三日詔戶部侍郎兩員通治左

右曹職事

以權吏部侍郎劉岑言元豐官制戶部除

尚書一員侍郎二人分治左右曹職事自艱難以來止除尚書侍郎各一員或止除尚書若侍郎一員今除侍郎兩員未審合與不合分治左右曹職事故有是命

五年閏二月二十三日詔戶部尚書章誼專切措置財用叅知政事孟庾提領措買財用四月五日戶部言臣寮上言請倣景德會計錄自紹興元年至四年為率以每歲所入之數列之於前却以今歲計之量入為出詔令戶部措置今先次取會到行在轄下糧審院左藏庫權貨務都茶場省倉草場收支數目攢到紹興四年一年收支數目申納朝廷所有已前年數接續行下取

索編錄從之

五月十一日刑部尚書兼權戶部尚書

章詡言契勘權貨務都茶場自來不屬戶部止差戶部  
長貳魚行提領緣茶鹽職事正是金部所隸自合戶部  
長貳郎官通行簽押更不須保置提領之名伏望詳酌  
指揮其見行人吏且令依舊存留其添給亦依舊候金  
部人吏行遣習熟日各歸本曹從之 九月二十七日

戶部侍郎張致遠言歲計上曰今中外大小之臣鮮肯  
任責若人人體國事以公同家事何憂不足仍須每事  
省節積少成多唯瞻軍賞公務在激勸此不足減爾監  
司守令有不經意於常賦隋慢尸素者戶部宜糾劾之  
當議竄責 六年二月二十八日詔權戶部侍郎劉寧

止前去應副四大軍錢糧應諸路監司州縣事干錢糧  
如有違慢許奏劾內通判以下許一面對移沿邊州軍  
依條取勘 七年七月八日起居郎樓炤言竊考唐故  
事重理財之職宰相領監鈇轉運使而同時在位者或  
判戶部或兼度支以謂使宰相兼有司之事則不可若  
恭倣唐制使戶部長貳兼領諸路漕權何不可之有若  
戶部兼領諸路漕權內則總大計之出入外則制諸道  
之盈虛以時巡行如劉晏自按租庸以知州縣錢穀利  
弊而事之本末皆身親而目覩之何者可行何者可罷  
斷然無復疑矣望下臣之說命大臣講究之詔令三省  
相度措置 二十八日詔戶部逐時輪擲長貳一員出

外巡按其奉行詔令違戾等事按劾以聞州縣財賦利  
病並考究措置事大條具聞奏餘聽一面行訖其中朝  
廷仍依本等奉使格法 八月六日詔戶部員外郎霍  
蟲出使湖北均節財用檢察諸軍請受不失朝廷委使  
之意特轉一官從兵部侍郎權湖北京西宣撫判官張  
宗元奏也 閏十月二十四日詔權貨務擬隸戶部  
部尚書章誼言權貨務舊曾申明乞罷提舉官職事隸  
屬戶部近來朝廷以事任至重復置提舉見係詛總緣  
獨員別無同官商量切恐誤事欲望朝廷指揮依舊隸  
屬戶部同郎官長貳通行簽押或乞長貳通行提舉故  
有是命

九年七月七日詔戶部長貳每年合舉選人

改官員數至歲終如係獨員權令通舉 十年閏六月

一日詔罷措置贍軍酒庫所管官吏悉歸戶部仍委一

左曹郎官專領 詳見酒麴雜錄 十五年正月二十五日

上諭宰職以和預買之弊秦檜奏曰戶工部不可以不

兼領在祖宗時皆隸三司今戶部以給財為務工部以

辦事為功誠非一體上然之 二十七年九月二十八

日詔贍軍諸酒庫併歸戶部收到息錢逐庫監官各有

減年磨勘所有本部長貳更不推賞從侍郎林覺榮蕤

之請也 二十八日五月十一日戶部侍郎徐林言版

曹調度事上曰朕觀祖宗以來用度名色不為不廣未

聞有不足之說今朝廷無它浮費于經費中又務從簡

約疑若有餘而有司每以乏告何也為今之計尤當節  
減者慮取之于民爾孔子曰百姓不足君孰與足藏之  
于民猶外府也卿等可與措置宰臣抗該等奏曰邇來  
調度雖非有餘然不至甚闕私憂過計盖有司事尔更  
加裁損仰見陛下節用裕民之意不勝欽嘆 九月二  
十三日戶部言諸司頭子錢許逐司雜用如憲漕二司  
尚有分數可考惟淮浙鹽司歲取數十萬緡或百萬緡  
戶部初不稽考並係逐司非理支破欲乞取會諸司三  
年內收支寔數令戶部措置除酌中之數留充本司雜  
費其餘並起發以助國用仍行下諸路轉運提刑提舉  
常平茶鹽司開具紹興二十五年至二十七年逐年收



支文狀申尚書省候降下從本部參考措置仍許本部  
點取赤歷文簿點對施行從之 十月十七日詔戶部  
將所在常平沒官戶絕田產已佃未佃已添租未添租  
並行拘收出賣仍以左曹郎官提領 詳見官田 二十九  
年五月六日上諭宰臣曰以緣河流淺溢網運糴緩已  
今內帑支降錢五百萬貫以佐調度朕自息兵講好二  
十年間所積錢物豈以自奉哉蓋欲備不時之須免臨  
時科取重擾民爾卿等可更令戶部會計每歲經常之  
費量入為出而蓄藏其餘自非飢饉師旅勿得妄有支  
動湯思退奏曰昔文帝嘗言朕為天下守財爾今陛下  
聖德每以天下為心務為有用之用過於孝文遠甚臣

等謹當遵依聖訓施行 六月二十五日上諭輔臣曰  
臣條論及行在諸軍所請衣絹紙踈錢陌多不足已令  
卿等施行蓋緣諸軍州軍起到絹網固有高下不等本  
庫官吏自合一吏袞同支散却乃容情作弊分作數等  
最高者應副親舊權貴其次官吏以其最下者給諸軍  
卿等可速行禁約今後衣絹並須袞同支散錢陌亦點  
檢令齊足無致不均令戶部長貳常切覺察如有違犯  
重置典憲 閏六月十八日權戶部侍郎董平言民有  
常賦國有經費會天下之賦以資國用使州縣以時催  
供部使者以時程督綱目具存何昔之有餘而今之不  
足臣畧究今日之弊誠有所自蓋賞罰有一定之格而

論賞紛紛被罰者甚鮮有勸無沮孰不廢弛遂致侵欺  
互用程限稽違致望睿旨以累降詔令中勅監司郡守  
使各知奉工之義應期發納如尚循習許戶部擇其違  
限之最甚者不候歲終具名以聞特賜降責庶幾人知  
警惧而財用無散逸歲計可指擬矣從之 三十年四  
月十七日詔先降指揮令戶部取歲計之餘支擬上供  
于鎮江建康各椿一百萬石值水旱則補助軍食遇有  
闕則復行補足訪聞見椿數目已有取撥借兌可令戶  
部措置補還從左司郎中方師尹之請也 七月六日  
詔戶部長貳歲舉轄下選人改官五員近以瞻軍激賞  
酒庫隸屬戶部內撥一員舉酒庫官令酒庫已專委官

先擬一員依舊 十二月二十一日戶部侍郎錢端禮  
言以紹興二十九年一歲之用編類成冊詔令戶部條  
具均節聞奏 端禮言伏見本朝元祐中蘇轍任戶部  
書乞取會減有浮費將一歲出納之數取旨均節編纂  
會計錄以爲成法爾後遵守遵致富寔臣私憂過計以  
謂今日若不盡公講究深恐以有限之數不可應無窮  
之用昔在漢世凡有大議必召丞相列侯中二千石離  
議蓋取其公論利害之要以濟王室臣謹具到紹興二  
十九年一歲之用編類成冊望詔三省樞密院臺諫兩  
省侍從同戶部公共商權究其弊源無爲文具直書無  
隱然後條陳取旨斟酌均節使可施行定當今之急務

經圖之遠圖莫大於此故有是命三十一年十月三日  
臣寮言諸州錢糧有寔數有虛數所謂寔數則見在倉  
庫者是也所謂虛數則或認虛而催促未足或積年掛  
欠而無寔者及所將常平米椿數或有陳腐不堪支遣  
者若一切指准則臨時悞事其害不細望令戶部行下  
本路轉運司同本州知通契勘見管寔數保明申朝廷  
所有虛數可以催促而未足者自合立近限起發其有  
積欠之久有名無寔虛掛厯尾者亦仰本路漕司及知  
通具申戶部果有虛數即別行措置支撥詔令戶部措  
置 三十二年二月二十五日詔今後戶部事有相關  
理有可疑難以並行裁決者並許長貳臨時與衆郎官

聚議文字皆令連書既有定議然後付本曹行遣戶部  
侍郎汪應辰言伏見太祖皇帝乾德四年詔曰盜鉄  
度支戶部判官等除各行本司常程公事外今後應有  
改移制置支撥折科增減條流轉輸供備凡關起請及  
業商量切在依公呈須盡理若是自曾經歷定可區分  
如或素未諳詳不知利害即須開牒會問曾經由臨蒞  
者別司判官使須同共看詳盡時回牒可否從長就便  
方得施行開寶三年又詔曰分曹列局即是三司辦事  
勤王須歸一體若乃各推手分事不相知縱有施行必  
多妨礙宜令今後一司如有敷奏諸司同取指揮若是  
于己有妨不得公然隨順據其利害盡理奏聞直須提

合便宜方得行遣臣竊以人材之智不能兼備有宜于此而不宜於彼者故乾德之詔計其未達之事別司得以省詳事之施行不能曲盡有便于此而不便于彼者故開寶之詔又令其數奏之事三司皆同取旨其慮事也固矣今之戶部昔之三司而郎官分曹治事各自司其局遵守法令以越俎代庖為嫌無敢出意見而議其他者得無如太祖皇帝詔令所慮者乎故有是命

紹

興三十二年七月七日孝宗己即位未改元詔戶部官催督諸軍賣酒收到息錢及二十萬貫減磨勘一年每歲減磨勘不得過四年二十一日詔戶部五司主事令史承闕書令史各減一年出官

該遇皇帝登寶位

七十一月四日臣寮言措置浙西犒賞酒庫不應別委  
官合依舊隸屬戶部尚書轉運司且依元降指揮令楊  
復梁俊彥措置候有成效取旨撥歸兩處管轄額從之  
孝宗隆興元年七月二十六日詔六部長貳除尚書  
不常置外置戶部侍郎二員五司郎官各一員從右諫  
議大夫王大寶等議也 八月三日戶部言依指揮條  
具並省吏額左曹見管四十五人今減書令史一名守  
當官正貼司各二人通以四十人為額右曹見管四十  
一人今減書令史一名守當官一人貼司六名通以三  
十三名為額乞將減罷人籍定以後有闕依名次撥填  
詔依見在人耳今依舊將來遇闕更不還補 二十三



日詔令戶部將諸路茶鹽司到錢物令逐項椿管非奉  
朝廷指揮不得擅行支用 乾道元年五月六日臣僚  
言竊聞近者戶部當諸軍宣限之日而帑藏空乏無可  
支散遂致展移日限旋行申請而後僅解目前之急其  
亦可謂迫矣嘗以唐劉晏之事觀之方晏之任事起于  
廣德之二年迄于建中之元年前後凡二十餘載蓋若  
是其久也始自戶部而領度支鹽鐵等諸使繼拜平章  
事拜御史大夫拜右僕射皆領使如舊官雖數遷而職  
則未嘗易也始自河南江淮分額之次舉梁益荊湖又  
舉閬河山川而悉領之權雖益重而所領則益廣也惟  
其責任之若此是以晏不得不任其責而盡其能矣故

其歲賦之入初六十萬未乃千二百萬今之所謂戶部  
其始用也未必擇其精其既用也未必任之久多不一  
歲少或半歲固已徙職而去矣孰能為國家周虛寔究  
源流而圖善後之計哉伏望陛下畧依唐用晏故事博  
選中外之臣無間乎官之崇卑惟其材之可用者而試  
之以財計之任又觀其稍有所成而付之版曹之職苟  
稱其職雖數遷而至乎二府職固不徙也勿吝其權使  
之得以號令州縣而趣督倚辦焉勿拘其制使之得以  
權衡低昂而通融流轉焉夫然後國之有無軍之裕乏  
民之病利皆得而責之彼亦將朝思夕計畢精竭慮自  
任其責而不辭矣從之

十一月十六日執政進呈戶

部申乞支降錢銀添湊支遣上曰南庫所有不多戶部更不理會常來看覲卿等可具出每年合收支數目要見得少剩十七日執政進呈戶部每歲收支總數上曰可更開具細數將上十八日執政進呈戶部每年收支細數到十月終見管只四十二萬餘有二百八十餘萬未到上曰可督戶部催促未到錢數二十七日度支郎中曾懷言契勘近得旨專委措置拘催諸路州軍并酒庫未起逐年錢物赴左藏南庫送納先申盡到指揮以戶部拘催錢物所為名歎乞于衙內添人兼措置戶部拘催所八字從之十二月六日戶部侍郎李若川等言通年入冬至次年四月正係綱運稀少月分

以截日約度至歲終并十二月下旬合椿辦來年正月  
上旬諸軍茶食錢銀指擬庫務見在及以後約收應副  
外今具下項 一乞下都茶場印降會子一百萬貫一  
務場見在并州軍起到貼納鹽錢一十餘萬貫乞令  
左藏庫取撥貼湊支遣其日後續納并州軍起到貼納  
鹽錢亦乞聽本庫逐旋交跋並理充務場施下錢數應  
接支遣一乞左藏南庫於見管錢銀內取撥五十萬貫  
並從之 十二日宰執進呈戶部條具理財事件上曰  
戶部財計朕見令監戶部人吏供具歲入名件數之支  
遣之數每歲只欠三百餘萬緡若行那移亦可支遣得  
過 二年四月六日詔令戶部將拘催所錢物並權住

催自十月一日依舊仍下逐路轉運司照會施行 六  
月四日戶部侍郎李若川權戶部侍郎曾懷言戶部見  
重行攢造版籍要見諸路監司州軍每年但于所入係  
省不係省有額無額諸色窠名一物一件從當職官吏  
候指揮到限十日將乾道元年收支見在攢類成冊結  
罪保明繳申以後年分依此伏望劄下諸路監司州軍  
照應施行從之 七月二十五日詔令戶部給降茶監  
鈔引五十萬貫付湖廣總領所量州軍事力均撥招誘  
客人請買糴到未專委守臣認數樁管其約束事件令  
戶部檢坐前後指揮行下 十一月二十六日權戶部  
侍郎曾懷言戶部掌催諸路財賦名色不一自來緣無

版籍故無憑稽考往往多致失陷今奉旨攢具到版籍一物一件皆有照據欵乞自今後每歲諸郡各具所起發錢科名總計定數作一項限次年正月終申發委逐路所隸監司覆寔限一月上之戶部具殿最以聞取旨賞罰從之 三年十一月一日詔戶部為寒凜應從駕諸班直親從親事言并諸軍指揮軍兵將校等柴炭並增三分給賜如願請錢者聽 五年正月三十日詔戶部為氣令尚寒應在內合著火處自二月一日為始續破火一月 十二月二十三日詔權貨務都茶場依建炎三年指揮委都司官提領措置戶部長貳更不兼領 六年二月四日尚書省言諸路財賦收支浩瀚理宜

分路管認原幾責任稍專詔令戶部兩侍郎分路管認  
三月四日戶部侍郎楊汝權戶部侍郎葉衡言得旨分  
路管認財賦除已恭依施行緣州軍起解錢物案名葉  
夥起發期限不等通年常是登帶拖欠指揮擬除放臣  
等既蒙委使分路拘催竊慮州郡尚循故態將應干合  
發錢物糧斛仍前拖欠有失稽擬欲望專委諸路漕憲  
臣檢察拘催責令知通盡數收椿依限發納如或拖欠  
即從轉運提刑司追當行人吏斷勘當職官具名申部  
以憑奏劾若逐司減裂盖庇從臣等逐時比較最稽違  
拖欠去處具監司職位姓名申朝廷乞取旨重賜黜責  
都吏典級送大理寺斷勤從之五月四日臣寮言諸

路州軍有積欠戶部錢物除乾道二年已前已有指揮  
放免三年四年見專委官拘催惟是諸處有已發納到  
納到錢物或兌或文截撥或放免之數戶部不肯即時  
勾銷往往登帶舊籍重疊舉催申明往復動經三數年  
必待遣人密持金銀計會部吏十分如意然後肯與豁  
除州郡實受其害今欲令戶部專委一官或即委  
見拘催官據諸處已收到文字參照稽考便與轄除仍  
關與發運司照會稽考使州縣無重疊追擾之患今後  
尚敢循習要索或不肯即與豁除即仰諸州密申朝廷  
將部吏根究重與科斷罷官員具姓名取旨施行詔  
令戶部長貳常平約束仍專委郎官一員同拘催所行



下倉場庫務將諸處納到錢物數及兄支截撥放免之  
數並仰日下勾銷除放餘依 同日中書門下省言戶  
部吏額遇有差出人名闕令以次正貼司承權支破七  
分請給却於額外無請私名內差填正貼司名闕顯是  
濫額詔令將應差出手分許以正貼司承權支破七分  
手分請受其正貼司職事只令本人兼行更不差私名  
填承 同日詔部尚書魯懷等言依指揮條具併省吏  
額左曹見管四十五人令減書令吏一名守當官正貼  
司各二人通以四十人為額右曹見管三十三人令減  
守當官一名正貼司二人通以三十人為額詔依各從  
下裁減將來見闕日依名次撥填其減下人願依條比

換名目者聽 七月二十八日樞戶部侍郎王佐言今  
之戶部祖宗時三司之職國之會計出納無所不統當  
與朝廷為一比年朝廷創立南庫本以豐儲蓄備緩急  
而不知者則以為割戶部經常之費為別庫積之資  
而朝廷亦謂戶部不以盈虛之寔上聞殊不知財之在  
南庫與戶部則一也但要得其寔耳今欲將戶部凡一  
孔所人根考括責造成簿籍勾稽驅磨俾無滲漏欲以  
寔收寔支之數申奏歲終會計其盈虛或經常用度之  
餘有趙積剩數除量留一月約支用外盡以歸之朝廷  
或朝廷有泛支用亦合聽戶部開具申陳取撥不惟事  
均一體形跡不存亦使有無相通不誤緩急臣自到部

供職財賦出入之數必詢諸吏輩然後能知往往異同終莫得其寔豈有名為版曹而不能按籍以知盈虛臣所以欲造成簿籍者正欲使朝廷通知財賦虛寔出入之數且以革去吏姦詔依專委王伋限一月攢造簿籍仍令陸之望同共措置八月十四日詔除戶部經常收支錢物外應朝廷錢物草料等並令戶部等處限五日開具見管窠名寔數中三省樞密院置籍遇有收支並仰即時供申揭帖二十九日詔將殿前司步軍司所管在外酒坊令戶部日下交割七年正月九日臣寮言馬軍司所管酒庫拖欠息錢積壓數多乞將馬軍司酒庫依殿前步軍司例拘收歸戶部差官管幹詔依

仍令提領犒賞酒庫所每年應副馬軍司錢八萬貫充  
犒軍使用 二月一日宰執奏事畢 上問曾懷賣度  
牒官詰作如何措置虞允文等奏曰曾懷欲拋降諸路  
州軍令賣上曰如此郡州必行科配豈不騷擾允文奏  
曰昨拋降諸牒諸州尚有積下未賣者近日盡令解納  
難以更行發下上曰然止令戶部就此置場出賣 十  
六日詔令戶部將合起赴行在經常錢米內就便科撥  
錢五百七十萬貫米七萬石赴淮西總領所并科錢二  
百三十萬貫赴淮東總領所並椿管準備歲用支遣  
三月七日上語宰執語及戶部財賦且曰所借南庫四  
百萬緡朕屢以諭曾懷不知有甚指準撥還虞允文奏

曰戶部不過指準折帛錢耳今歲除江上截撥外約收  
四百萬緡將來僅了得月中支遣豈復有餘以償舊欠  
梁克家奏曰舊欠且未敢言今在帑無三兩之日儲大  
貳急闕不可支吾上曰戶部擘畫否允文奏曰有一兩  
事衆論未以為然其一曰給典帖上曰太苛其二曰鬻  
鈔緡上曰亦是難行允文奏曰鈔緡祖宗時行之今改  
為勘合朱墨錢矣既取其錢難以更令買鈔上曰然大  
率此兩事既病民且傷體俱不可行更令別議以聞  
十二月二十七日詔令戶部將乾道新修條令并申明  
戶緡續降指揮編類成冊送敕令所看詳鏤板遍牒施  
行 八年八月二十二日戶部言淮東省批湖廣總領

所申江鄂荆南軍為錢物乾道九年分約用錢九百二十八萬八千餘貫本所依指揮拘催諸路乾道九年分合發錢銀外少闕錢三百八十二萬五千五百貫乞下戶部科撥數內七十萬貫貼降江西長短茶引乞下行在權貨務都茶場依例印降應副起發前去湖廣總領所交納從之十一月十八日詔戶部長貳各特降一官先是饒州納到新錢夾帶鉛錫除鑄錢司并監官已施行外故有是命九年二月二十二日詔委戶部郎官薛元鼎專一拘催諸路賣到田產乳香價錢并牙契稅錢並赴左藏南庫令置庫眼椿管非奉聖旨指揮不得擅行支用更不置司並令戶部人吏一就行遣仍令

長貳官共催督 七月十六日臣僚言竊見令戶部委  
郎官一員專管拘催出賣官產錢令觀其條畫申請諸  
員專限一季出賣盡絕拘錢發納臣竊疑焉以江東西  
二廣論之村墮之間人戶凋疎彌望皆黃茅白草民間  
膏腴之田耕布猶且不徧豈有餘力可置官產况籍沒  
田土往往多是低下瘠薄難以開墾決無願就者今期  
限既迫州縣別無為策不免監銅保長抑勒田鄰重以  
不恤之守令欲應期限以希常典鞭笞並楚無所不至  
凋弊之民其何以堪且如浙東西最號人戶繁盛去處  
兩路所費除合減退外僅及百餘萬緒今已累月尚未  
足數愚聞亦有抑勒之患而况江東西廣道里遼遠州

縣凋弊人戶蕭疎十不及浙中之二三米穀既平錢貨  
難得每畝價直不過貫伯縱根括無遺出賣盡絕其能  
及浙中之數而又應期限乎以臣愚見若朝廷以為命  
令已行難于寢罷只乞寬以一年之限戒約州縣止許  
人戶情願承買不得抑勒如有違戾重置典憲從之  
九月二十八日詔戶部應諸處月中晴雨自今後不須  
進入

續會要

淳熙元年九月七日詔諸路綱運實到庫數目每季各  
據分數比較多寡以聞將其間殿最示之賞罰以別勤  
惰從戶部尚書韓彥直請也 二年十一月二十六日



臣僚言祖宗時有會計錄備載天下財賦出入有帳一  
州以司法掌之一路以漕屬掌之驅磨申發費罰條置  
甚嚴紹興七年臣僚有請倣本朝三司之制專置提舉  
帳司總天下帳狀以戶部左曹郎官兼積習既久視為  
文具乞詔戶部條畫申嚴措置俾天下財賦有所稽考  
不敢失陷從之既而兵部條具合行事如後一乞下諸  
路監司并總領所寺監等處根刷州軍日前應奉申帳  
收限兩月橫造審磨繳申戶部一行在戶部激賞酒庫  
并犒賞酒庫每歲出入錢物其收到息錢並係經常從  
未不曾造帳合令造帳一建康鎮江府惠民藥局係  
行在和劑局修合湯藥賣到錢赴總領所權貨務送解

從來不曾造帳令今造帳一御前軍器所過大體年分  
作料次開報度支行下左藏等庫支撥錢物收買物料  
打造軍器雖隸屬工部其支過錢係戶部案名從來不  
曾造帳令今造帳一文思院上下界每歲遇造作合用  
雇工錢係作料次開報度支行下左藏西庫支撥從未  
不曾造帳一昨降指揮令本部五司將諸處無申到每  
歲應截使過錢物開具應副是何去處充是何支使依  
某年月日指揮許行截使因依開報本司以憑拘籍駭  
磨近來逐部並不開具令今開具一逐路監司過州軍  
中發到狀須管從本路監司取索檢目于照等逐一立  
檢審磨帳狀訖同元檢目保明繳中戶部帳司一昨承

指揮復置提舉帳司人吏內差破職級手分貼司二十  
七人專一主管除令止管職級手分八人又是逐部魚  
行帳司事不專一合于左曹人吏內踏逐職級外却于  
手分七人數內更減省三人止以手分四人為額於本  
部四司內踏逐諸曉書算人吏專一行遣帳司遷補各  
隨部分名次遷補其逐部不得差各人兼行他役並從  
之 四年正月二十一日戶部侍郎韓彥古言唐制稅  
之目有三其一日上供今之戶部所入是也其一日留  
州今州郡係省得用錢是也其一日送使今轉運司所  
得是也今戶部所知之數則上供而已其留州送使無  
得而攷焉若州郡不得人官吏侵耗毫釐隱落則雖竭

民力支遣不辦又緣朝廷不知取民實數輕重無制民間合輸一石不止兩石合納一匹不止兩匹多取之罪則隱而不言之興之誅惧于立見為今之計謂宜取見諸路財賦所入稍倣唐制分為三等視其用度多寡而為之制自上供為始上供所餘則均之留州留州所餘則均之送使送使所餘則派分遞減悉蠲于民朝廷不利其贏焉然後整齊天下之帳目在外則轉運使在內責戶部量入以為出歲攷其能否而為之殿最上下相恤有無相通此長久治之至計也上批彥古所陳周知民隱其造貢籍可擇一才力通敏者先次施行一郡候就緒當頒降諸路依倣行之於是以身部員外郎薛

元鼎前去秀州依此將錢絹料等數具帳聞奏已而元鼎言本州財賦從來不曾將上供窠名依寔分隸祇是改易州用名色先次椿辦然後分隸上供以致難以稽考乞委戶部行下本州將州縣應干倉庫場務每處止置都厯一道應有收到錢物並分隸上州用寔合得之數分立項目椿辦支撥不得改立名色互換使用及別置文厯之類仍從戶部委轉運司差官每半年一次取索都厯點檢如有虛妄用按劾取旨其他州郡亦乞依此施行從之六月十八日戶部侍郎韓彥古言淳熙元年未起諸色窠名錢乞令拘催所依從來體例立限兩年分四限拘催李彥穎等因奏淳熙元年未起發

當是五年

諸色庫名錢九萬九千餘貫南庫限三月起發似太遽  
戶部恐侵上供之數乞依蔡洸畫降指揮分兩年四限  
發納上曰有司各營其職未免一偏惟朝廷裁處其中  
可令拘催所限一年分限拘催 十月八日戶部侍郎  
韓彥古言乞下四總領所將淳熙四年所科錢物先次  
開具截日已未起發供中等事上曰總領收到綱運版  
曹宜容不知自今可令月申以脩稽考宜依奏行下  
□年九月十五日戶部尚書韓彥古言紹興以來每遇  
大禮年分依例於是一年中降指揮諸路委監司親詣  
諸州軍剡刷應干合起并寬剩金銀錢帛赴左藏西庫  
應副賞給緣此諸州軍得以並緣科擾乞從本部選委

監司前去諸州軍盡寔取會除合剋剋錢物據寔起發外如有非法科擾之數取旨蠲免從之先是通州趙汝超奏本州過郊祀年分發納大禮錢二萬九千七十貫除九千四百貫有時係剋剋在州合發官錢外一萬九千貫有奇餘四縣起到應辦並于人戶常賦之外計產均數追納作積欠案名于是彥古言前郊本州雖有起到錢五千六百一十貫只此一州已有正餘多科錢二萬三千四百六十貫可見諸州軍大禮年分皆有科數錢物故有是命六年正月四日戶部侍郎陳覲言昨降指揮諸路州軍合發上供及科撥在總領所之數令歲終各行殿最續降指揮展至次年三月終比較本部

已將州軍淳熙四年錢物赴行在之數比較殿最申奏  
外緣總領所累月方申到並皆不圓乞將淳熙五年合  
赴行在錢物于來年三月終先次比較其總領所錢物  
于來年三月供申戶部于四月攢類比較取旨賞罰詔  
候總領所申到令戶部于四月內一就攢類比較申尚  
書省既而宰執進呈上曰諸州合起錢有元額最少而  
先足者有元額最多而未足者有前政積欠而未盡補  
足者候總領所申到令戶部于四月內一就詳審比較  
因有是命 八年八月二十四日詔戶部自今知有顯  
減倚閭及權住催指揮稍虧經費須據寔以聞不得徑  
自差人督催州縣非理苛取 十年八月二日戶部尚



書王佐言乞自今於次年四月將逐路監司并諸州守  
倅已未起上供各色稟名比較奏聞取聖裁以定賞罰  
不以職位崇而濶畧不以已去官而幸免庶幾紀綱復  
振調度獲濟從之 十年八月二十八日詔左藏南庫  
可撥隸戶部 九月四日詔差戶部郎中勾昌泰為左  
藏南庫主管官以戶部言已降指揮本庫以後合收支  
錢物仰戶部照應今來項目依數管認緣南庫金銀錢  
物並係朝廷稟名收支浩繁乞委本部郎官主管故有  
是詔十月五日戶部郎官兼主管左藏南庫勾昌泰言  
提領南庫所供到淳熙八年分收總計一百九十八萬  
一千六百四十一貫文支總計二百九萬六千二百七

月百條  
月百條  
月百條

十三頁文其逐項稟名于元降敕黃開坐分明其合行  
事件乞依提領南庫所已得指揮施行從之 十一月  
二十六日進呈權尚書戶部侍郎韓彥質奏州郡財賦  
場務縣道所入財穀皆有名色在法不得易而守臣無  
忌憚者竭公帑之儲以快私欲至於終更恣為妄用席  
卷而去不恤後人循致敗壞使繼之者無可措手乞今  
後守臣任滿將所留諸色錢穀交割下政具數申戶部  
置籍上曰須令後政限一月具數申戶部照會王淮等  
奏前政只言數贏後政只言數縮今令前後政各具申  
上曰過限不申去處令戶部以聞 八月二日戶部侍  
郎韓彥質言省部行移州縣自合應期供報如常平一

司錢穀文字並皆遷延日月不即供申至于廣西路方  
申到八年二月見在之數深慮財穀之數省部既不能  
知則州縣因而移易借支互用無由稽考乞令諸路提  
舉司限一月將未申奏月日見在錢物分明開立收支  
之數自今降指揮下日月分逐一編類攢具供申省部  
仍今後按月具奏如州縣違戾即仰提舉司按劾若提  
舉司遲限失申從本部具職位姓名申取朝廷指揮施  
行庶幾常平錢無致侵損緩急不誤支用從之 十二  
年十一月十一日權戶部侍郎葉翥言乞特降睿旨每  
遇守臣得替開具合起歲額諸色軍名錢物有無發足  
與虧欠及許其自言在任之日或能閑防滲漏樽節委

費趙儲蓄以為一州後日計者申尚書省下戶部以憑  
審定如此則課最者既得以自達而治郡不進者遂不  
容于幸免陛下用是以論州郡之能否亦十得七八矣  
從之 十三年九月十六日上諭宰執每月財賦冊今  
後更令進入欲知增減 十二月九日詔戶部左右曹  
各減守當官一人貼司一人私名一人以農司少卿吳  
煥議減冗食下敕令所裁定故有是命 十六年正月

二十五日三省言諸路州軍應發納朝廷錢物舊係戶  
部郎官措置拘催詔拘催所可罷其催錢物依舊令戶  
部專委郎官先次開具合行事件申尚書省 淳熙十  
六年八月二十三日權戶部尚書葉翥言戶部有催綱

官承受使臣各六員專一催督諸路綱運近來以來本部照諸郡歲額合發財賦委監司各據所隸催發催綱官與承受使臣差出絕少乞各減三員從之 紹熙元年正月二十七日宰執進呈右諫議大夫何澹劄子乞置紹熙會計錄且言去歲臣僚嘗乞討論用度已得指揮令戶部稽考乞即降睿旨施行得旨令何澹同趙彥逾依已得指揮稽考以聞二十八日又詔更差葉翥仍令林大中沈誦楊經同共稽考聞奏既而三月十三日右諫議大夫何澹等言今置紹熙會計錄有合申請下項一今來稽考財賦若自紹興元年以來取會竊慮年歲深遠難以根創今欲且取見紹興二十一年紹興

二十七八年紹興三十二年隆興元年淳熙元年并十一十六年在京諸百司干預取支財款去處開具逐年出納契細窠名數目或恐前項年分文字不全欲且據逐處供到及其他年分文字參照稽考其取會官司並限五日回報一款從本所立限行下淮東西湖廣四川總領所照上項年分各一全年應出納契細窠名錢物若干逐月所支甚處屯兵元額職次各若干自今見管官兵人數職次各若干支過券食請給等錢物若干或有創生增減并非泛支使逐一立項開析攢見每月一歲收支數目所是積積錢米等物亦要見見在的確之數一款從本所行下行在糧審院各照上項年分逐年

批放過三衙諸軍百司并諸司局所額管職次人數應  
干請給名色旗牌月分年分及都總計數目逐一覆中  
以憑參攷並從之三月十三日戶部言去歲有經常例  
外非泛并創增侵支戶部錢物計一百四十四萬餘貫  
除已拘收登寶位銀絹錢共四十九萬八千六百餘貫  
并依遞年除豁非泛錢二十萬貫零細香藥等錢八萬  
四千六百餘貫重華宮減下供奉錢并使臣錢一十四  
萬七千餘貫合除豁外尚有五千一萬餘貫已蒙朝廷  
撥還一十萬貫更乞量行支降一十萬貫所有以後年  
分合應副慈福宮錢本部自行那融不敢申乞支降從  
之四月二十九日戶部侍郎張子顏言版曹財賦左

右曹度支金部會部各有案名彼此不相照應具于截  
使不能無重複差誤今欲總為一簿凡額管逃閤減豁  
截支寔收未到隸於諸曹者皆括於此具列期會先下  
諸州軍每歲開申詳寔合廢及截使理豁錢數本部叅  
照元降指揮注籍時加攷閱改催轄司為總轄司寔掌  
拘催消注仍舊約度支遣并子五司選擇吏人專行此  
案不許別魚他役牒郎官一員主管長貳相與點檢既  
免差重之弊仍得以如期賢趨從之 五月二十一日  
臣僚言臣聞會計一書行且就緒推宮掖出入之數未  
得而知欲乞令內侍省并御藥院內東門司同共自行  
稽攷庶幾而外事體均一從之 十月二十一日左諫



議大夫何澹權戶部侍郎趙彥逾殿中侍御史林大中  
言嘗考渡江之初東南歲入止十餘萬紹興以後綱目  
始繁據呂頤浩奏宣和中戶部支費每月不過九十萬  
紹興三年戶部之費每月一百一十萬然則紹興之初  
已多承平三十萬矣所費既多所取不得不濶如總  
制如月椿如折帛如降本如七分坊場七分酒息三五  
分稅錢三五分淨利寬剩折帛錢僧道免丁錢之類則  
紹興間權宜創置者也如州用一半牙契錢買銀收回  
頭子錢官戶不減半役錢減下水腳錢之類幾一百萬  
則又乾道間權宜創置者也如經制并無額錢增收稟  
名之類則紹興間因舊增添者也如添收頭子錢增收

勘合錢增添監袋錢之類凡四百餘萬則又乾道間因  
舊增添者也方其軍興之初則以乏興為虞及其事定  
之後則又以養兵餽虜為憂是以有置而無廢有增而  
無減今總天下財賦除內藏出入之數已降指揮自行  
稽考外所有四川錢引一千六百一十萬二千二百六  
三道舊年指揮自行檢察支撥亦不復稽考特考其歸  
朝廷隸戶部與夫四總領所之科降諸戍兵牧馬歸明  
歸正等處之截留凡六千八百萬一千二百萬貫內朝  
廷九百六十五萬一千一百餘貫戶部一千八百七十  
二萬三千一百餘貫四總所二千九百萬六千餘貫諸  
戍兵牧馬歸正等處一千六十二萬餘貫此其大凡也

戶部歲收一千八百餘萬歲支亦一千八百萬每月所  
破宮禁百司三衙請俸非泛雜支之類一百五十餘萬  
然則比之紹興之初增四十萬比之承平增六十萬矣  
臣等再以淳熙十六年而較之隆興元年則增一百二  
十餘萬較之紹興三十二年則數又倍增歟舒國用以  
寬民力惟有裁減浮費今具可以裁減者畫一開具一  
欲除供奉三宮皇子府奉使人到闕密賜并接  
送伴公使支賜文思院造作衣帶招軍例物駕出折食  
錢三衙內外諸軍雪寒出戍借請郊禮錫賜等錢物外  
如宰執文武百官司進書慶典拜郊支賜生日及筮理  
非泛賜費錢物並與三分減去一分一武臣正任選刺

以上請給除南班及隨龍統兵戰守官仍舊制得支真俸外其餘乞免階級並許戶部執奏仍許給合繳敕詔依見請人依舊一諸軍額外將官多是並緣陳乞之人近來般步兩司遂至一百四十餘員委是冗濫乞行住差一諸軍權統制統領等官供給錢合遞降一等支破近來乃有軍帥陳乞差權之人極乞先次支破正官供給款乞中嚴訖迨八年五月十三日指揮行下詔依見任人依舊一御少監少乞不並置其餘冗員大甚云處亦量行減省一製造御前軍器所有東作坊萬金作坊萬四指揮見今凡三千二百餘人內萬四指揮名為雜役其實多供諸處當直款乞專委察官與本郎部官軍

器監少同知提官躬親入所揀汰老弱疾病之人並行  
減半支請與之養老若無技藝之人並與陳汰一御前  
祇應見今五十九員比之前日委是大改增數詔權以  
三十人為額見任人許令依舊具溫湖人遇有遷改事  
政更不作闕一闕門官見今四十八員竊見祖宗時宣  
贊引喝不過三五員熙寧間始置通事舍人十三員閣  
門看班祇候六員歛乞詳酌立一定額詔今後四十人  
為額見任人許令依舊一建炎渡江之初諸百官司前  
後打請不及權行堯請自後因循不行釐正歛乞今後  
支請之人並依外郡例按月支給更不堯請詔依其已  
堯請人依舊二三省激賞庫每年以十萬貫為額於左

藏庫分料開支隆興二年再添二萬貫緣支用節次增  
添故取撥雖多而拖欠愈甚近來寧叙日子錢並已改  
用乾道九年條例所有本庫應于支用自合一体施行  
一諸處犒設錢本以酬勞今所在吏職每于年終或上  
下半年輒支犒設委是無謂歎乞今後因事只與特支  
不許泛行請也一雪寒錢本以恤軍人之貧昨今東玉  
牒所祕書省日歷所國史院等處公吏皆有上項支給  
乞行減罷一省馬院見今有馬一百九十餘匹緣為不  
堪乘騎合破省馬之官往往却於別處借用而本院所  
養兵級三百餘人多于諸處影占身役今乞委官嚴實  
除的合存留人外其餘發歸元來去處詔日後有關權

住差撥一二省樞密院錄事承旨已下所破齋學監馬  
打食等人緣渡江之初未有定止權時創置亦有條例  
支破者人數猥衆其間又有一時暫權職事便行支破  
職事既去因仍冒請欲乞委官究寔庶免重耗詔並依  
令檢正都司檢詳究寔開具申尚書省

紹熙五年十

一月二十七日戶部言諸司軍糧審院減省浮費內冊  
實支賜臣僚生日支賜照得見遵從紹熙元年指揮三  
分減去一分支給今承指揮減半支給未審于三分已  
減去一分上又行減半支給唯復止照應今降指揮減  
半支給詔全數內減半 慶元元年正月二十四日都  
省言戶部每月所支奉食錢分数不等令以紹熙五年

通閏月共一十三箇月行在務場所支錢會金銀大數  
為准每月三十萬貫立為定額從之見錢五千貫如不  
敷會子支給會子一十三萬五千貫金一千萬貫銀六

萬貫

三年三月二十七日淮南運判沈作賓言舊例

交割歲幣銀絹了當共得減九年磨勘係漕臣及盱眙  
軍守臣并過淮交割官分受比年以來未蒙推賞竊詳  
漕臣及盱眙軍守臣即不過淮其盱眙知縣雖同過淮  
止是部押人夫唯是所遣過淮交割官每歲自冬涉春  
津發交割僅百來日每日將帶銀絹萬餘匹兩自早至  
暮過淮冒寒雪萬一中流忽遇風浪等失陷寔任其責  
又緣歲幣銀絹北官揀擇沮難全籍過淮交割官兩員



剛柔相濟酬應合宜所係甚重除臣及盱眙軍守臣盱  
眙軍知縣並乞不雜賞外乞將所差過淮交割官兩員  
各與減二年磨勘從之 六月十九日戶部參照姚愈  
所陳事理將紹熙元年紹熙四年慶元元年各年行在  
左藏庫諸倉場等處并淮東西湖廣總領所取支錢物  
比換增減因依及兩浙福建江東西兩淮湖廣北京西  
廣東西一十二路州軍額發諸色窠名錢逐一究見源  
流登耗滲漏因依已得詳悉分作五十八冊為慶元中  
外會計錄已繕寫進呈外今有究見滲漏登耗合行得  
節數內戶部人吏諸色人紹熙元年三百一十四人支  
錢六萬七千三百六十餘貫慶元元年三百二十二人

支錢六萬六千二百八十餘貫比紹熙元年增一十五人減錢六百九十餘貫比紹熙四年增八人減錢一千八十餘貫照對慶元元年比之前二年人數增多尋究見係抽差充提領豐儲倉所等處從已降指揮却差人承填及官員遷除增添人從所以增多其所減錢數緣主事出職却差貼司承權所以減少照得既錢不增止增人數乞將已差出人且行仍舊所是日後有差出人更不作闕從之先是二年三月監察御史姚愈言財賦國家之大計聖人之所急先務也故林特則有祥符會計錄田況則有皇祐會計錄蔡襄只有治平會計錄蘇轍則有元祐會計錄會計一定而財賦業籍無不照然

可觀太上皇帝初履帝位主計之臣亦乞撰會計錄以  
進此蓋一代之制所不可闕者陛下龍飛之初有明堂  
之禮阜陵之後大軍賞賚鄰使往來用度類仍未免一  
時隱乏為有司者豈可不知會計之策出納之數以會  
計而明虛濫之費以會計而省惟其會計詳盡則登耗  
所自皆可得而知矣臣嘗因中都官吏俸祿與夫兵廩  
支費求其所以會計之說熙豐間月支三十六萬宣和  
末用二百二十萬渡江之初雖連年用兵月支猶不過  
八十萬比年以來月支不下百二十萬大畧官俸居十  
之一吏祿居十之二兵廩居十之七版曹財計名額至  
繁散給諸軍百司每月照數以支破循習舊例未嘗有

所改數歲月既久豈無名存寔云循例虛破之數乎此  
在內財賦不可不爲之會計也外而諸路官吏俸祿兵  
庫之費亦豈無虛破不寔之數且如諸軍所置員闕自  
統制統領而下至隊將隊官其等凡九而所謂准備差  
遣准備使喚之屬不與焉昨采吳規選練嚴整不容虛  
濫其本軍統制十員闕三員統領二十員闕九員正將  
四十七員闕十一員副將四十七員闕十七員准備將  
四十七員闕十一員都將九十四員闕四十三員隊將  
一百四十員闕二十九員隊官一千三百六十一員闕  
七百五十一員所闕之官不過差人兼權不復更破正  
俸是時公家未嘗乏事而歲省總領所錢糧幾五十萬

繕此<sup>在外</sup>財賦不可不為之會計也。在鹽酒稅經費卽給  
易致滲漏。全在關防。且如景德中商稅止收四百五十  
萬貫。慶歷中為之關防遂收一千九百七十五萬貫。景  
德中酒課止收四百二十八萬貫。慶歷中為之關防遂  
收一千七百一十萬貫。其餘茶鹽之數舊額不虧。固非  
苛取于民止是關防滲漏。倘或失陷豈不可惜。此內外  
財賦之登耗又不可不為之會計也。如此之類不一而  
足。豈容置而不問乎。欲望陛下明詔大臣。專委戶部行  
下。應于關涉財賦去處。內則倉場庫務。諸百官司外。則  
諸州提舉轉運。坑冶市舶總領等司。目下自行刷具。每  
歲收支出入的確實數。結罪保明。主限狀申戶部。其有

日前虛濫不實令逐一驅磨庶應本末分明改正與免  
根究如今來再有助隱弊倖不盡不實許臺諫覺察聞  
奏戶部更將紹興淳熙紹熙出納之數逐項滲稽登耗  
究見滲漏先次具申朝廷大臣委官精加考覈然後議  
節浮費量其出入以制國用令戶部造冊進呈以為慶  
元中外會計錄戶部照得昨來稽攷紹熙會計已行取  
會紹興隆興淳熙年分收支造冊進呈外今東慶元會  
計乞下諸處開具慶元元年并紹熙元年紹熙四年出  
納數目考究委金部郎中趙師炳戶部郎中楊文鼎同  
共攷究乞以會計司為名權行置局其宮掖出入之數  
只令內侍宮供申朝廷從之

九月二十五日臣僚言

竊惟國家財用之計以南渡所入較之祖宗盛時已數倍于前近來以來費用日以增廣節用之說在今日所當講也國家諸費臣不得盡知去歲蒙恩備數諸司審計司自淳熙紹熙及陛下踐阼之後應在京諸司之俸因得以詳攷前後數目如省部寺監等官歲給雖時有損增尚不遘絕其他員數俸給漸有增益者臣請舉一二言之局所庫務官淳熙元年三百四十九人歲支二十十六萬貫有時紹熙元年增至四百三十四人歲支三十八萬六千貫有時慶元二年四百六十三人歲支三十八萬四千貫有時宮禁字號夫人淳熙元年二十人歲支一萬三千貫有時紹熙元年增至四十九人歲

支二萬八千貫有時慶元二年五十七人歲支二萬六千貫有時內侍官淳熙元年一百七十四人歲支十萬七千貫有時紹熙元年增至二百有五人歲支十四萬六千貫有時慶元二年一百九十六人歲支十五萬七千貫有時醫官淳熙元年二十五人歲支一萬三千貫有時紹熙元年增至四十八人歲支二萬一千貫有時慶元二年四十五人歲支二萬一千貫有時以前數項參較之有員數雖小減而俸給不減于舊臣竊譬之治家者當日夜孜孜計一歲所入以為一歲之出若泛然不計出入之數必至有日朘月削之弊今民力日困費用日增以當少加裁抑臣竊謂數年以來諸司事體前



後一同而員數俸給有增者欲望詔有司定奪有可省者議從減有臣照對乾道七年宮禁字號夫人一十九人今已兩倍其數陛下祇奉三宮數之多寡難以例比魚臣小臣不當議及宮掖仰惟聖慮遠及國計若可裁抑當先從宮禁畧減一二然後及于以次所當減者則法令必行國計可紓矣如人數已定難即裁抑欲望陛下凡於除授之際痛抑僥濫使不至增加於前則國計自此亦可少寬然臣所知者止于宮俸一事若夫兵籍之虛濫內帑支賜之末節又不知其幾也乞與二三大臣參國之以幸天下詔令侍從臺諫兩省官集議聞奏既而吏部尚書許及之等言伏覩紹熙元年詔近置紹

與會計錄省費當自官掖始可以廣歷隆興為法令內  
侍省御藥院內東門司同共自行稽考庶幾內外均一  
款乞斷自聖意特降指揮自內廷檢照裁約中制各五  
為定額比之今數有損無虧庶可必行詔依集議到事  
理施行

嘉泰元年九月二十四日臣僚言竊惟戶部

總天下財賦之原要必儲蓄優裕乃可緩急支吾今一  
歲所收大約一千人百餘萬而支遣之數僅亦相當去  
歲國家多故非泛費用稍倍常年旱傷蠲放多有除豁  
倘非內藏封樁支降補助侵損經常立見匱乏契勘所  
入窠名自紹興之後權宜措置因舊增添如總制月椿  
折帛降本坊場酒息淨利寬剩無額增收之類其名不

一畝求生財之道已無毫髮之道紹熙初元戶部臺諫  
嘗有奏陳謂承平之時收天下全盛之財賦而大農支  
費反不如今日之多畫一開具並從裁減委曲詳盡悉  
蒙施行自承畫旨今已十有二年中經典禮官資陞轉  
愈闊于前職位膏廩俸給支賜又多于昔外路料撥歲  
復一歲有增無虧俸門易啟法久易弊在今日之策裁  
節限制夫豈且後高宗皇帝患臣僚陳乞之監嘗降敕  
雖奉特旨許令戶部執奏聖謨高遠可法萬世願陛下  
明詔有司嚴奉紹熙初元之詔謹守勿失如臣僚恩數  
倘非勲勞顯著體貌所係者若其他陳乞稍戾成憲雖  
已降旨亦宜遵守高宗聖訓許戶部執奏勿行予之足

示主恩奪之不素國法庶幾浮費稍抑用度有常積以歲月不為無補從之 開禧二年十二月二十一日臣僚言軍興以來百費毛起別無生財之理惟是痛節浮費以為急務上自宮掖下至胥吏其間虛蠹皆合搏裁至若省冗員之祿減大吏之俸孰為當先孰為可後皆當條具以次舉行勿卹怨尤乃能叶濟然而主議于一人則無以參衆見之異同裁決于一司則無以酌他曹之緩急乞降旨內而有司庶府外而一路一州各令開具經常非泛用歲計幾何其官可併某吏可省某俸可減某費不為切計其所損為緡錢與米斛各若干可以佐軍實可以裨國用毋摘細故以塞明詔然後參之與

論斷自公朝可省省之可罷罷之詔依令戶部遍牒施行  
嘉定五年十二月二十九日戶部言舊有承受使  
臣一十二員專充本部諸色使喚係從本部出帖差充  
並不理為資任至乾道七年遂將承受使臣十二員內  
以六員改作催綱官從本部差辟朝廷給降付身理為  
資任請給人從並依省倉斛而官吏破任滿興減二年  
磨勘其職甚優而絕無責任淳熙十六年臣僚以其冗  
濫申明朝廷將催綱官與承受使臣並減三員各以三  
員為額共為六員近年以來所謂催綱官未嘗舉職往  
往多是有方之人經營應辟及假催綱為名干謁州縣  
批支驛券需索夫為生事騷擾若綱運之留滯初不知

之至有經年往來州縣更不赴部公參虛請俸給委實  
無用乞劄下戶部將使臣六員仍舊並作承受名目祇  
從本部給帖不理資任所有催綱官悉行省罷如諸州  
綱運或有濡滯許于州縣見任官內選委前去催督足  
可辦集從之

續會要